

# NAKO YA KUKOPANA

## NI SISUPO SATENI



Ki manzibwana. Ki lithonolo fa kuba mo busihu bwa kacenu, ni kuyema mwa sibaka se.

<sup>2</sup> Na, kakusasana cwana, hane ni shetumuka mwa mukwakwa. . . Ne ni sweli kulapela, kulibelega ku Mulena. Ni ku shetumuka mwa mukwakwa, Na tukisa si—si silimba sa bakutazi, Muzwale Smith, muzwale yomunsu (kana kaufela mina mu mu utwile kakusasana cwana? Kuna ni yomukana wa mina?) nji, Ni sepa kuli ki wa kwa Ohio. Kuna ni yana ni bulelela ka za hae hana kutaza, mi ali, “Ulukela ku tukisa u ikutwele yena,” sina cwalo.

<sup>3</sup> Ne ni kala ku muteeleza, kakusasana cwana. Mi yena kaniti na sweli kubulela ka za sibi mo si sweli kuhulela mwa lifasi kacenu, mi na sweli. . . Mi Na sikuluha nako nyana, kusiya mpwito yafa moya yani, mi na kala ku teezeza ku yomuñwi. Nako ye Ni tilo fita kwanu, Ne ni itukisize, kubona haiba ne ni si ka liyeha kutaha kwa keleke, mwa kakusasana kacenu hane Ni kena. Kacwalo, luna ni lithonolo lelituna fa kuba mo busihu bwa kacenu, ni kusebeleza mwa sebelezo ya Mulena.

<sup>4</sup> Mi kuambola za Muzwale Neville, ni za liñusa la zazi leliñwi, ku kalibe nyana yo, yena kezela luna ya zwile mwahala luna. Yani neli, kaufela luna lwa ziba yo ali yena, ki Kezeli Weaver. Ni ka kunahana muuna yo kwanu, ha kolobezwa busihu bwa kacenu; musali. . . Ni mu kolobelize mwa lisa le hane Ni. . . ne ba mutisa kwanu mwa sipula sa mawili. Na ya inza shwa, ni kansa, mi nana ni fela ona busihu bwani kuli apile; ma dokota ne se ba mu supile munwana, na ka shwa habusa kakusasana. Mi Na ya kwa ndu ya hae na yo lika kubulela ni yena ka za foliso ya Bumulimu, mi atundamena kubulela inza kutakela kuli, “Ha ni swaneli kuli utaha mwatasa situwa sa ka.” Mi ali, “Na—Na ha ni swaneli kuli mukutazi ataha mwa ndu yaka.” Mi ali, “Ni muezalibi.” Kono yena ali, “Muñaka, Hani lati kushwa ka mukwa wo.” Mi kacwalo Grace Weber, wa kwanu, ani isa teni kwani. Mi se ni kena, ni katezi mwa mikopano; mi kwani hane Ni sweli ku mu lapelela, ni ku mu balela Liñolo, mi ki ha piliswa. Kasumulaho, na palelwa nihaiba kunanula lizoho la hae, kono na bata kuswala mwa mazoho a mañi ni mañi. Ki ha. . . sesiñwi ne si ezahalile ku yena.

<sup>5</sup> Mi hane ba sweli kuswalana mwa mazoho, Na bona pono ya hae inza ya mwa sitantwe sa likuhu, ni kukuta. Se nili, “Ku lukile, ku kaba hande cwale”; mi seli myaha ye eitini kwa

mulaho. Mi sa tulezi kwapata a kansa yani, nako ye kaufela. Ha na ka shwa . . . Na si ka shwa ni kansa, nana ni butuku bwa pilu mi bwa mu bulaya. Neba mu beile mwatasa sipangaliko sa okisijini; ashwa kwa butuku bwa pilu.

<sup>6</sup> Mi cwale ne Ni nahana, kwa mafefezezo fela batu hane ba zwela fande, ni kuopela kuli, *Mi Jesu Ataha*. Ona seo kona sene si ezahalile, Ataha ku to bukeleza bupilo bwa hae ka myaha ye eitini yani kaufela. Mi Na hupula kuli, “Haki ku zamaelela ni koo.” Musali yani kaniti na sa zibi kuli na sweli kueza lika zani. Mi, hape, wa swanela kuba cwalo. Kono mo ne kubezi fela kuzamaelela ka kuba ni siemba sani fani, *Mi Jesu Ataha*.

<sup>7</sup> Cwale ki kuitahanela nyana, Na—Na sepa, ki tukiso yaka yetuna mwa mikopano. Na ikalelwa. Kakusasana cwana, Ne ni katezi hahulu, Ne ni ile kwa—kwa ku lapela. Mi Ni—Ni fa lapa, ona kwanu. Lubasi, ni baisesa fela kwa Arizona, mi Ni . . . kuli banana bakene sikolo. Mi Ni kutile kwanu kwa kuto—kuto pumula nyana, ku yo zuma ni Muzwale Wood ni sikwata sa mizwale kwanu; ku yo zuma, mwa sunda yetaha ye. Lu kaya kwa Kentucky. Mi Ne . . . nibile mwa . . . Ne ni tile fela mwa musihali fani—fani Musala bo Weaver ha shwa, mi ki tukelo fela kuli Ni be kwanu ni kutusa Muzwale Neville mwa maswabi ani.

<sup>8</sup> Mi ha Ni liki ku . . . Ha ni liki ku—ku bulela zeñata ka zona, mwa ziba, mwahala batu ba ba tongoka. Kakuli, Na sepa, nto iliñwi ye sabisa hahulu ki kubona—kubona muuna kamba musali ya nza bilaela kamita. Ni bile ni nahananga kamita kuli, “Mulimu, ni buluke kwahule ni zona.” Mwabona, sani—sani si kusufazanga tumelo nako kaufela, mwa ziba. Fela mulukela—fela mulukela . . . haiba mu—haiba mu . . . Ni ziba kuli habanze ba hula, mañi ni mañi wa luna, lukaba ni sesiñwi se si ka ezahala ni sesiñwi se si ka ezahala. Mi Ni ziba kuli lika zani lika zwelapili ku ekezeha, hamuya inge muhula, lina ni fela ku ezahala. Kono Ni sepa kuli iliñwi ya lika ze sabisa hahulu, ki kuli Satani atinise mushukwe mwa bupilo bwa mutu: muuna kamba musali muhulu wa kacimacima, mwa bona. Ni—Ni sepa kuli Ni sike na fita fa sibaka sesi cwalo. Ni sepa kuli Na kona ku li yemela, mitiyo yaka, mi—mi ni kufita fa sibaka sa kuli . . . Ni bata bupilo bwaka kuli bu apeswe ka Kanya ya Mulimu: pilutelele ya Hae, musa, kozo, buishuwi, ni kutazwa ka Moya o Kenile.

<sup>9</sup> Mi Na . . . iliñwi ya lika za ka zetuna ye ni holofazanga hañata mwahala bupilo bwa ka, ibile buino bwa kuikalelwa. Kuli ha Ni katezi hahulu, kona fo Ni ikutwelanga hahulu kuimelwa. Ni ba . . . ya ikutwa inge kuli hakuna ya ku babalela, mwa ziba, mi—mi ni mina kaufela . . . Muna ni zeo, hape. Kono na Ni banga ni zona mwa buñata hahulu, mwa ziba, mi kubanga bumaswe hahulu ka linako zeñwi, mi mane Ni palelwanga nihaiba . . . Ki matata, mi sani kona se si eza lika. Mi Ni fita fa sibaka sa kuli linako zeñata, sihulu ka lipono zeñata maswe zani, mwa bona, za ni shimbanga fela. Ha ni talimela mutu, Na sepa, “Ye ki

pono. Batili, batili, batili, ha ki pono. Eeni! Nji ha ki yona?" Mwa bona? Mi hamu lemuhi fela bukiti bo bu zamaelela ni sani. Kacwalo he—kacwalo he mwa—mwa komoka. Mi mukala kunahana, "Kihande, musweli. . ." Mi muzwa mwa sibaka sa mina mi muli, "Kihande, cwale, kisikamañi—kisikamañi se Ni ezize? Ki Na yo, Ni—Ni na ni myaha ye mashumi aketalizoho ya kupepwa mi hakuna se Ni ezelize Mulena; mi Ni—Ni ya ni supala. Mi kisikamañi. . .? Oh, mawi." Konakuli mukaba fela ni. . . sene lu bizanga kuli "maikuto a bulutu." Babañwi ba mina mizwale litaka zaka mwa hupula sene ba bizanga kuli "maikuto a bulutu." Pop na latanga hahulu kubulela ka zona mi ne Ni sa zibi za na talusa, kono cwale Na ziba sa na talusanga. Kacwalo he, hamukala kuikutwa cwalo, kanti mane hakuna nihaiba za niti ka zona; ki mina fela, mwa ziba cwalo. Mwabona, mwa ziba zateni, ki mina fela babaeza zeo.

<sup>10</sup> Kacwalo Ne ni lika ku ikuzisa ilina hanyinyani cwale, ni kuitukisa ka za—za kukasha kokutuna ko Ni sepa kuli kwataha cwanoñu. Mi cwale mwahala. . . Nina ni kuya kwa New York ona fa kapili, mi Ni. . . ye kwa mukopano kwani, ki sikundi. Mi ni ku yo shetumukela kwa Shreveport, ni kukutela kwa Phoenix. Mi hape ni kukutela kwa wiko. . . likamba la kwa mboela wa United States. Mi kipeto bapanga litukiso za kwabuse bwa mawate cwale, kapili fela mo luka konela kasamulaho wa makalelo a silimo, mwendi ka Liatamanyi, Lungu, nto yeñwi ye cwalo; ko mu yo kalela mwa Stockholm kamba Oslo, ni kuya mwahala lifasi, haiba lukona mwa musipili wa kupota kwa luna otatama wo.

<sup>11</sup> Mi cwale Ni fa lapa ni ipumulisa nyana fela, kuli nibe ya iteleza nyana ni mufuta wa ku hoha moya. Mi haiba Mulena wa lata, Ni ka kuta la Sunda yetaha, kuzwa kwani kwa Kentucky. Mi—mi haiba kulukile, ni kutabisa ku Mulena, ni Muzwale Neville haiba ha bilaeli; kihande, Ni ka lika fela kuba ni sebelezo la Sunda yetatama, haiba—haiba Mulena alata. Mi haiba Uka lata sina Muzwale Neville mwabezi, Ni—Ni kaba kwanu. Eeni sha, Yena uswana fela inge. . . haiba Wa lata kuba cwalo sina Muzwale Neville. Na sepa Wa lata. Cwale, mwabona, fohe Ni ziba kuli Ni cwalo kapili, haiba Mulena wa lata, Ni ka mi siya fa nako nyana.

<sup>12</sup> Mi Na. . . mañusa nyana alikani fela, sina Ha nina ni sika mwa pilu ya ka, mi Ni—Ni—Ni ikutwa kuli Ni bata ku si zibahaza ku mina, mwa bona, mi lwakona kuina ni zona. Cwale, Nina ni ze likani nyana za zona, ze ketalizoho kamba silezi zene tile ku na ka mazazi nyana afitile. Mi se Ni ya, mazazi nyana kwanu, ku to zuma tumale kwanu. Mi Na kena mwa mushitu, ni kulwala potoloto ni pampili. Mwabona? Cwale ka nako yeñwi kuba hande mi ni musihali, Ni yendamena kwa kota yeñwi. Ha ni sa yi kwa kulobala, Ni kala kulapela, mi cwale Ni, Mulena uka nifa nto yeñwi, Ni kala kuñola litaba nyana ze likani zateni, mwa bona.

Mwa ziba se Ni talusa; hamu ba munosi, mi kipeto mwa . . . Mi Ni taha kwanu, ku liñola fa siemba sa pampili. Mi cwale ha Ni bizwa, Ni matela kunga pampili yaka ni kukala kutalima fateni ni kubona se Ni kona kukalisa, mwa bona. Sani kona se si ezahalile cwale.

<sup>13</sup> Cwale he, Ni bata kuli, haiba Mulena alata, ni bulele ka za . . . Ni lika kueza . . . kupumaka zetuna zani, za mañusa amatuna, mwa bona; ko limingela liholo. Mi ni Mulena uni tusize kuba ni musebezi o mukuswani fela wa zona mwa Chicago, busihu bwa mafelelezo kwani, mwendi ka mizuzu ye lishumi kayemilalu. Mi mutu yomuñwi ataha, ali, “Ne ni sa zibi kuli neli ku wena, kono no ezize!” Kacwalo mizuzu ye mashumi amalalu, kuzwa mwendi mwahala liholo zepeli ni hafu, kamba zetalu, mwa ziba. Kacwalo mwendi Ni ka akufa kapili busihu bo ni kuba ni kutwaela nyana, hanina ku mi buluka nako yetelele hahulu.

<sup>14</sup> Mulimu ami fuyole. Hakuna taba kamba Ni ya kai, hakuna kuba sibaka se si ka likana ni tabernakele ye kwanu. Ki hae, lapa lelinde. Mi Ni mwa maswabi ka lubasi lwa ba Weaver. Ni ka muzwale yomunde yomunsu ya tokwahalile yani, Ne ni lapezi ni yena nako nyana a si ka timela kale, mi ki mutu yomunde. Mi u kwa Hae ni Mulimu nako ya cwale, mi ku felile. Mi muna ni kuya nihakuli cwalo, mi luna kaufela lwa ziba bwalo. Kacwalo lu mwa . . . mi cwale Mulena apumulise myoyo ya bona ipumule mwa kozo, mi zazi leliñwi lu kulubela ku yo kopana mwa Naha ya mwabuse, ko kusina matuku, maswabi, kamba lifu. Kufitela nako yeo, haluezeni kaufela ze lukona ka Evangeli.

<sup>15</sup> Kubulela ka za matata, Ne ni sweli kulapelela fateni kakusasana kacenu. Ki sikamañi sene mu ka eza haiba ne musina matata? Munahane fela ka zona. Matata ki siemba sa kupila. Mukwa wo uni susuelize hahulu hane Ni hupuzi zeo. Kambe ne musike kuba ni matata, ne mukaba inge sipupe sa lisila, nemusike kuba ni maikuto. Nekusike kwaba sika sene mu ka beleka ku sona. Inge muuna ni musala hae, mwendi haiba musali ubata kueza sika, kipeto uka lika kusebeza hamoho (sihulu Bakreste), mi yomuñwi u bata . . . Mi cwale ha mutaha hamoho ku to . . . hamuka batisisa sa ezize; u fumana kuli . . . Mwabona, matata luli amitisa bukaufi hamoho. Mi yomuñwi umi bulelela kuli, “Kihande,” uli, “munahane fela musala mina yakeni mwa matata amañata hane musika kaba kale hande,” kamba “ba baana neba fitile mwa matata amañata hahulu mu si kaba kale hande. Mi cwale kaufela ha se li swalezwi, mutalime mo ne muikutwezi ka bona. Mawi, mukaba fela . . .” Mwabona, muswanela kuba ni matata. Ku felile.

<sup>16</sup> Mi amunahane fela, ka maikuto, kucwani kambe nemusina maikuto ni amanyinyani, kutokwa nihaiba butuku kamba sika kaufela? Kucwani kambe nekusina butuku ni hanyinyani? Nemusike mwaba ni maikuto ni hanyinyani. Mwabona? Mi haiba kambe nemusina maikuto, konakuli iliñwi ya maikuto a mina

ne ika sinyeha. Mwabona? Kacwalo, mwabona, lika kaufela li lukile nihakuli cwalo. Kacwalo, “Mulimu, ulufanga fela muhau wa ku yema ku zona,” yeo kona taba. Haiba ne lu ka yema fela ka muhau wani, ni kuyema fale ni kubulela kuli, “Luziba kuli bupilo bo ha bu ta fela, bobuñwi bobutuna buteni kwabuse ko litalimezi kuya.” Mi cwale, lu—lu hupule kuli lika ze kaufela, kona matata.

<sup>17</sup> Kuli, batu babañwi balika kuzibahalisa Bukreste, bali “ulukuluhile kwa lipilaelo. Mu kaba . . .” Batili, ha muyo cwalo. “Mu lukuluhile kwa matata.” Oh, batili! Mu ekeza mwa matata amuba Bakreste, kakuli ne mu zamaya ka bunya, ka tabo ni ka lithonolo, kaufela seo nesili sona kwande kwani, mu sa tokomeli sene mueza.

<sup>18</sup> Kono hane mutiloba Mukreste wa niti, nako ni nako mwa ipuzaka, “Kana Na tabisa Mulena ka nji? Kambe Ne ni ka Mu utwa!” Si mi beya mwa matata, si mi beya mwa kutokomela. Sani kona se si mi eza kuba mo mu inezi. Kacwalo kasamulaho wa zona kaufela, matata ki mbuyoti. Ki mukwa fela o mutalima ka ona. Ki mukwa fela o mutalima ka ona. Mwabona? Haiba ne mu ka talima fela kwa neku leliñwi, kuna—kuna . . . Hakuna taba mo mu pumela sika kaufela mwa busisani, mu sa na ni liemba zepeli za sona, mwa bona. Kacwalo mubata kubona liemba zepeli kaufela.

<sup>19</sup> Kacwalo matata . . . Na sepa, “Oh mawi, ki . . . Ki matata mañi ao? Kambe Ne ni ka pepwa kusina matata aa.” Kihande, kambe Ne ni sike kuba ni matata aa, Ne ni sike naba mo Ni inezi. Ne ni sike kuba Mukreste, mwendi. Neli ona matata ao ani tisize ku Jesu Kreste. Mwabona? Kacwalo, ibile nto ya mbuyoti ku na.

<sup>20</sup> Kacwalo he, sina Paulusi hana bulezi, inge kuli nana ni matata kamba nto yeñwi, na buzize Mulena kuli—kuli ali zuse ku yena halalu. Mi Mulena ali, “Saule, Na . . . Paulusi, sishemo sa Ka sa ku likana.”

<sup>21</sup> Mi ali, “Mi, Ni kaba ni kanya mwa mikatalo. Mi ha Ni fokozi, Ni tiile.” Mwabona? Haibile fela ki ka tato ya Mulimu, ku lukile.

<sup>22</sup> Cwale, Ne ni Mu buzize nako yeñwi hane si ni katazanga hahulu, ne li ni sabisize. Mi A ni bulelela, mwendi seli myaha ye ketalizoho ka yemilalu kamba lishumi kwa mulaho, Mi ali, “Hali sana ku kusabisa hape.” Mi ha li si ka ni sabisa fateni. Batili, sha; musike—musike mwa bilaela ka zona. Na li utwa fela, kono Ni ziba kuli liteni fani; kono Ni zwelanga pili fela kakuli ha li sa ni sabisa ni hanyinyani, ni itumezi hahulu ka seo.

Cwale, Na ka bulela kuli, “Halisana kuba teni nihanyinyani,” mane inge fela kuli, “Hausana kusaba ni kamuta.”

<sup>23</sup> Konakuli ki tato ya Hae kuli liezahale, kacwalo Ni li amuhela fela ni kubulela kuli, “Ni itumela ku Wena, Mulena, Ni ka zamaya ka nzila yeo.”

<sup>24</sup> Cwale, ha lu inamiseni litho za luna fa nako nyana kwa—kwa tapelo. Kana kuna ni kupo yeipitezi yetokwa tapelo? (Ni bona litaulo ze beilwe fa.) Munanule lizoho la mina. Mulena, fuyola mañi ni mañi wa bana ba Hao.

<sup>25</sup> Ndata luna yakwa Lihalimu, hanze lu atumela Lubona lwa Hao lolutuna, ili lona lwa muhau, kakuli lu kupilwe kuli lutahe. Lu taha kwa pizo ya Jesu Kreste. Mi lutaha ni lipilaelo za luna kaufela, ni ku linepela ku Yena kakuli Wa lu tokomela. Ha ki mbombolelwa kwa butuna ni yeo, ka kuziba kuli Wa lu tokomela. Yena Mulimu yomutuna wa Lihalimu, yena Mubupi, wa lu tokomela, luna libupiwa za Hae. Lu itumezi hahulu ka zani, Mulena. Ha ki mbombolelwa ni yeo mwa linako ze lupila ku zona ze, ha ku bonahala ku konahala kuli—kuli lufumane buiketo bo bu sa zwi kusili konji kwa Linzwi la Hao. Yani kona tiisezo ya luna, ki Kubateni kwa Hao. Mi mwa Kubateni kwa Hao, No bulezi kuli lu zibahalise likupo za luna, mi “Haiba mu kupa sika kaufela ka Libizo la Ka, Ni ka eza cwalo.” Mi zona Lisepiso zetuna ze kaufela: “Mukupe mi mu ka fiwa. Mukali kwa lilundu leo, ‘Aku shimbuluke,’ mi musike mwa kakanya, mi li ka shimbuluka.” Ona Lisepiso ze kaufela, mi lukona kufumana Sesiñwi ona seo fela se lu kupile.

<sup>26</sup> Mazoho ananuhile mwahalimu, ba tokwa sesiñwi, Mulena. Wena uziba kutokwa kwa bona; akulufe zona, Ndate. Ni beya tapelo ya ka ni za bona fapila Hao, lizoho laka li nanuhile hamoho ni la bona. Ona fa sipula se fa, ku beilwe litaulo. Oh, ka mo sicaba ni tumelo, tumelo ye tiile, Mulena. . . Kubonahala fela kuli kuna ni So ni fuyozi ka sona, kukona kulapelela sicaba se sikula. Kai ni kai, sibaka sifi kaufela, kaufela ko Ni ya, kuna ni nto yeñwi ka za kulapelela bakuli. Mulimu, tusa cwale. Ni lapela ka busepahali kuli U alabe likupo za litaulo ze beilwe fa, kwa batu baba li kupile. Lumeleza sishemo sa Hao sibe fahalimwa bona.

<sup>27</sup> Mulena, lu utwisisa kuli Kezeli Hicks una ni musali kwanu, ya tile ka fulai musipili kaufela kuzwelela kusili kuli ato lapelelwa, bakeñisa kansa; mi na bata kuziba haiba na ka mu tisa kwanu. Na lapela, Mulimu, kuli U bukeleze bupilo bwa mutu yani; lumeleza cwalo. Mwana kezela ka wa mushimani, Mikie, ya lobezi kwani bakeñisa kukula ni kutazaka, bakeñisa kunjanja silami hahulu, kona asa zo zwa mwa munyako. Mulena, Na—Na lumela lubile ni tapelo ya tumelo fani kona ha No li yemimize, mi Ni—Ni—Ni itumezi ku Wena, ka kuutwa kuli silami ne si siile mushimani Ni si ka zwa kale mwa sibaka.

<sup>28</sup> Cwale, Mulena. . . mi lu itumela ku Wena kwa lika ze kaufela. Cwale si ni wezi kuli ni bulele Linzwi la Hao. Aku lufe Linzwi la Hao, Mulena. “Linzwi la Hao kona Niti.” Fuyola myoyo ya luna ni kulufa—kulufa ze lutokwa, kuli lu linge mwa Lisepiso za Mulimu busihu bwa kacenu, mwa Linzwi, ku to lu tiisa mwahala biki yesiyezi ye; lumeleza cwalo. Fuyola mulisana wa luna, ona

moyo o mutuna wa hae, musala hae, bana ba hae, ma dikoni, ba sepahali, ni mutu kaufela ya tahanga mo kamba kuzwa mwa muyaho wo; lumeleza cwalo, Ndate. Ka Libizo la Jesu Kreste lu kupa limbuyoti ze. Amen.

<sup>29</sup> Cwale, Ni bata kubala mwa libaka zepeli za litaba za ñozi Mulena. Ni bata kubala pili kuzwa mwa Buka ya Lisamu, Lisamu za bu 86. Mi cwale Ni bata kubala ku Muñoli Mateu, kauhanyo yabu 16, 1 kuya fa 3. Mi Ni bata kubala kalulo ya Lisamu le, isiñi kaufela yona kono kushetumuka fela kufita fa timana yabu 11, yeli licika la yona cwalo.

<sup>30</sup> Mi Ni bata kuzihabaza cwana, haiba Ni ka biza kuli ki palo, Ni si ka ikutaza kale: *Nako Ya Kukopana Ni Sisupo Sateni*. “Nako ya kukopana ni Sisupo sateni,” yeo i utwahala kutatafala. *Nako* (Mwabona?) *Ya kukopana*, nako ya kukopana, sani kona mo siinezi cwale. Mi ki *Sisupo* sa kukopana kwani ni nako yateni.

<sup>31</sup> Mwa—mwa Lisamu, tapelo ya Davida, ki Lisamu la bu 86.

*Sikeka zebe ya hao, O MULENA, uni utwe: kakuli Ni shebile mi ni tokwile.*

*Bukeleza bupilo bwa ka; kakuli Ni kenile: O wena Mulimu waka, pilisa mutanga hao ya sepile ku wena.*

*Uni utwele butuku, O Mulena: kakuli Ni lilela ku wena ka zazi ni zani.*

*Uwabelise moyo wa mutanga hao: kakuli ku wena, O Mulena, Ni nanula moyo wa ka.*

*Kakuli wena, Mulena, u yomunde, mi u akufa kuswalela; mi una ni musa o muñata ku bao kaufela baba biza ku wena.*

*Sikekela zebe, O MULENA, kwa tapelo ya ka; . . . utwa linzwi la ku lila kwaka.*

*Mwa lizazi la butata bwaka Ni ka biza ku wena: kakuli wena uka ni alaba.*

Oh, kana haki nto yende yeo? “Wena uka ni alaba.”

*Mwahala balimu hakuna ya swana ni wena, O Mulena; mane hakuna nihaiba misebezi yeka likanyiswa kwa misebezi ya hao.*

*Linaha kaufela zo ezize lika to ku kubamela, O Mulena; uka bubeka libizo la hao.*

*Kakuli wena u yomutuna, mi u eza lika ze komosa: ki wena Mulimu unosi.*

Muteeleze cwale:

*Uni lute nzila ya hao, O MULENA; Ni—Ni ka zamaya mwa niti ya hao: talifisa pilu yaka kwa kusaba libizo*

*la hao. (Buñwi! Mwabona?) . . . talifisa pilu yaka kwa kusaba libizo la hao.*

<sup>32</sup> Ni bulela cwale ka za kukopana ni sisupo sa nako yateni. Cwale, mwa kauhanyo yabu 16 ya Muñoli Mateu:

*Bafarisi hape ni Basaduki ba taha, . . . ku to mu lika, ka kulakaza kuli a ba bonise sisupo sa lihalimu.*

*Ki A alaba mi ali kubona, Ha se li manzibwana, mu li, Ni . . . Li ka pazula hande: kakuli lihalimu ki le lifubelu.*

*Mi kakusasana, Hakuna kuba . . . bu ka sa ni mbundu: kakuli luhalimu ki leli fubelu mi libonahala ku minahana. Mawe mina baiipi, mu kona ku lemuhu mubonahalelo wa lihalimu; kono mu palelwa kulemuha lisupo za nako?*

Cwale Mulena aekeze limbuyoti za Hae zende kwa palo ya Linzwi le.

<sup>33</sup> Cwale, lu ambola ka za kukopana kwa, nako ya kukopana; sisupo sa nako ya kukopana. Mwabona, Jesu nali fa, mwa palo ya Liñolo ya mafelelezo ye, Na sweli ku omanya baituti ba za bulapeli ka kupalelwa kulemuha nako ni sisupo sa nako. Cwale, yeo ibile nto yetuna kamita kwa batu, mwabona, ku kona kulemuha *sisupo sa nako ye mupila kuyona*; kakuli Mulimu uli ñozi hande kuli kutokwe nihaiba yomukana ya ka banduka ku zona.

<sup>34</sup> Cwale, hañata, Ni kona ku kutela fela se ba bulezi baktuzi babañwi, batanga babañwi ba Mulena mwa nako ya Bibebe (sina sisupo sa nako ya Nuwe, sisupo sa nako ya Daniele ni—ni babañwi cwalo, lisupo zeshutana cwalo), kono Ni bata kufitelela sani busihu bwa kacenu kuli—kuli ni tokomele nako, kuli nikone. . . Kono kamita ibanga nzila ya Mulimu, ku ba fa—fa sisupo sa butu sa nako, ili kuli mañi ni mañi azibe fela kuli ki nako mañi ya—ya yani. Mi Bafarisi ba neba lukela kuziba nako ya bona. Ne ba swanela kuziba kuli neli nako mañi yani. Na bulezi mwa sibaka sesiñwi, “Kambe mu Ni zibile, ne mu ka ziba lizazi la Ka.” Mwabona? Ki—ki luli, nto—nto yetuna maswe kuli lu utwisise. Mwabona, “Hakusina kutwisiso!”

<sup>35</sup> Sani kona sene ba swanisisanga ku sona bapolofita, neba bulela kuli, “Mi nana ni kutwisiso, ka lipono ze ne zwa ku Mulena. Mi Linzwi la Mulena la taha kwa—kwa bapolofita ba kale.” Mwabona, neba amuhela kutwisiso kuya ka Linzwi la Mulena, ka bapolofita. Mi he, bapolofita ne ba fanga lisupo. Inge, muuna yomuñwi yana lobezi kwatuko a hae fa nako yetelele hahulu, mi ni ku yendamena kwa neku leliñwi. Muuna yomuñwi na pazuzi litino za hae kutubula. Mi oh, kuna ni lika zeñata ze ne ba ezize kwa kubonisa sisupo sene ba pila ku sona. Mi cwale lu ziba kuli yena Mulimu yana bupile lihalimu ni lifasi, ni—ni ku patalaza musebezi wa Hae hande Na ka toloka nako ya Hae ka sisupo, yena Mulimu yaswana yani wa pila kacenu.



Ni luna luswanela kuba cwalo, sesiñwi. . . Hanze lu bona kuli—kuli nako yelupila ku yona, ku swanela kuba nto yeñwi yeo mutu yomuñwi atalima ka kusa iseza ngana, kokuñwi. Mwabona? Kakuli Mulimu hakoni kutuhelela lika ze kuezahala kusina ku lufa sisupo se siipitezi, sene sili sona, zeo—zeo lwa li utwisisa.

<sup>36</sup> Cwale ki ye taba kacenu, kuli muituti wa za bulapeli, ha lu li balangi ka swanelo. Kuswana fela inge mone kuinezi linako zani, ne ba si ka ziba kuli nesili nako. Neba—neba hupula kuli ne ba pila hande mwa kozo ka linako zani, mi kacwalo ne ba sa libeleli Mesia. Mi Jesu ubulezi kuli Kutaha kwa Hae ku kaba “sina lisholi la busihu,” mi cwale—mi cwale sicaba hasina kuziba za Kutaha kwa Hae. Kono nekuna ni balyanjo babañwi bene bazwile ku yo Mu katanyeza, licika la bona, neba na ni mafula mwa lilambi za bona; neba libelela sisupo sani. Mi yani ki yena ye Ni ambola ka za hae busihu boo, mwabona, kubani baba libelela sisupo cwale, ili sisupo sa Kutaha kwa Hae.

<sup>37</sup> Lisupo zefilwe ze, ka Mulena, li filwe fela kwa balumeli. Ba basalumeli ha ba liboni. Ba li fitela fahalimu, mi ha ba li boni. Mi cwale, ka kusepahala fela kuli Lingeloi la Mulimu hane li ka yema fa katala fa busihu boo, kuya fela ka swanelo sina—sina ha Ni mi talimela, mi Ne ni ka li talimela; kamba ne mu ka li talimela mi Na ne ni ka tokwa ku libona, kamba Ne ni ka talima ku zona ni mina mutokwe ku li bona. Cwale, muziba kuli ao ki Mañolo; yeo ki Niti luli. Neba boni. . . Mwa ziba Paulusi na wile fafasi, kono neba. . . hakuna nihaiba yomuñwi wa bona yana boni Liseli.

<sup>38</sup> Liseli lani ne liliteni fani Joani hana yemi fapila sicaba, ni likitikiti nebali fa likamba fani, za baituti ba bulapeli ni—ni baana baba talifile, baana babatuna. Mi Joani ali, yena kasibili, na pakile kuli na boni Moya wa Mulimu ha u shetumuka inge liiba ni ku to lula ku Yena, mi ni Linzwi lali, “Yo ki Mwana Ka ya latwa Yo Ni katelwa.” Mi hakuna usili ya na Li boni kwanda Joani. Mwabona? Neli la hae fela.

<sup>39</sup> Kana mu lemuhile ka swanelo yateni, ya sisupo sa baana baba butali? Ne ba talimile, nekuna ni. . . Nebali Maheberu. Neba si baituti ba linaleli ba ma Indian ba luli, nebali Maherebu; kakuli nebali kwa neku lani mwa naha yani inge ba ituta za lihalimu, kuli bafeze lituto za bona. Mi hane bali cwalo. . . neba talimela kwa Jerusalema, ni kuziba kuli neba boni linaleli zetalu zani kuzwa kwa linzila za mañi ni mañi wa bona ka kupepwa ka—ka linzila za bona, ku Kama, Sema, ni Jafeta, ili kwa mikowa kone ba zwelela, yomuñwi ni yomuñwi, mi ki ha ba bona linaleli za linzila za kupepwa kwa bona. Sani neli sisupo ku bona, kuli linaleli zani inge liinzi mwa mundandwe ulimumu, kipeto Mesia u fa lifasi.

<sup>40</sup> Oh, mawi! Kona libaka lene batezi mi bali, “U Kai? U Kai ya pepilwe ali Mulena wa Majuda? Lu boni Naleli ya Hae kwa

Upa, mi ki ha lutile ku to Mu kubamela. U Kai?” Neba ziba kuli Mesia wa mbututu yani na lobezi kokuñwi, kakuli Mulimu na ba file sisupo sa nako yateni, kuli Mulimu ni mutu ne bataha kwa kuba hamoho. Ha ki swalisano, fani Mulimu hana ikopanyize Iliyena mwa mubili wa mutu! Mulao wateni, neli kopano yetuna mwahala mikopano kaufela yekile ya ezahala, neli fani Mulimu hana kopani ni mutu; ni kusiya pilaelo ya Hae—Hae ya kuba Mulimu ni ku namulula tende ya Hae ni ku toshimba nama ya butu, ni kutoba alimuñwi wa bona, ku to ba liulula. Buñwi. Kisikamañi sani? Sani ne si tisize kozo mwahala Mulimu ni mutu kuyakuile. Lu itumezi hahulu.

<sup>41</sup> Mi lisupo ne li si ka lumelwa . . . Cwale amu nahane, muuna kaufela, ni baituti ba linaleli kaufela; sicaba, mazazi ani, liwaci za bona neli linaleli. Ne kubanga mulibeleli yana pahamanga fahalimu a—a tawala, mi kipeto upahama teñi ni ku libelela. Mi ubona linaleli zeñwi hane libanga mwa mundandwe omuñwi, hane basweli kufita, na zibile kuli neli nako mañi. Mwa hupula mwa Mañolo, “Ki nako mañi, mulibeleli?” Mi mulibeleli wa tuluka ni ku babulelela nako yateni mwa hola. Mwabona, ne ba buluka nako ka linaleli.

<sup>42</sup> Cwale, kana ha kinto yenca kuli linaleli ze nelili hande mwa sikuka kwa baana babalalu mi hakuna usili yana i boni? Mwabona? Neli fela mwa mundandwe. Cwale, mwakona kuba mwa mundandwe hande ka Mañolo. Mwabona? Mi linaleli zani haliba mwa tamahano, za swalana ili zona mwa buino bwani, baana babalalu neba swalisani ka nako yeswana. Mi mwakona ku tamahana hahulu ni Mulimu, mwa Linzwi la Hae, kufitela lika ze liba za niti, mi mwakona kubona mwahala bona kuli ba niti. Mwabona? Sisupo sa nako! Mwakona kutalima fahalimwa zona, ni kubulela kuli, “Ah, bukuba!”

<sup>43</sup> Kono ku *mina* ha ki bukuba. Ku mina, mu tamahani kwa Linzwi, mi ki Le fa. Konakuli ki—ki Liseli la niti, Muzwale Pat, fani—fani—fani—fani hamu bona sisupo se ni mulumeli. Mi yo kiyena yo Ni ambola ka yena, ki mulumeli, kakuli ya sa lumeli hakoni ku si bona. Mi ha ki kalimelo ni yeo kambe Nali mwa lifasi le kacenu, ku babañata ba baituti kacenu, ki baba sa koni kubala sisupo se; lisupo ze lu bona zazi ni zazi mo mwa tabernakele, ni kubona lika ze. Mi ni babañwi ba libala ni kubona muñolo fa limota, kono kanti babañata haba li isezi ngana, kono mane haba li boni ni hanyinyani. Ha ki sesiñwi ku bona ni hanyinyani; haba li lemuhi.

<sup>44</sup> Cwale mulemuhe, kuli ku se, kuli Yena—Yena na bulezi ka lisupo za naha. Cwale, hane ba Mu buzize ka se, neba bata lisupo; mi A bafa lisupo ze ne ezahalile. Mi neba bata kuziba hane ku kaba mafelelezo a lifasi, ni sene sikaba sisupo sa mafelelezo. Mi A ba supeza kwa libaka zeñata mwa Mañolo ka lisupo za naha, ka za sisupo sa lihalimu, ni sisupo sa lifasi; Na ba file lisupo, sisupo, lisupo, neli fela sisupo ka kuswalelela. Mi cwale . . . A

ba bulelela mwa sibaka sesiñwi ka za sisupo sa naha. Mi ali, “Ha mu ka bona linaha,” mwabona, “halikala kukopana mwa Jerusalema,” mwabona, konakuli luziba kuli nako ya butata bwa bona neili fa kaufi, “hamu ka bona Jerusalema u potolohilwe ka limpi.”

<sup>45</sup> Cwale, ba si ka eza kale se, Mulimu . . . lifasi ne lina ni kutamahana. Titus, yena muzamaisi wa mpi ya Siroma yo, na kopanyize limpi za hae hamoho ni ku ba potoloha, kasamulaho Majuda ba ha se ba hanile sisupo sene sifilwe ki Mulimu sa nako ku bona. Yani kona nako yana kopanyize Titus limpi za hae hamoho, ni kutaha ku tohapa muleneñi. Pili ne kuna ni kuba ni kopano ya sicaba sa Mulimu (molukona kubabizeza) kulwanisa Linzwi la Mulimu, fani mane naha i si ka tamahana kale ni sicaba sa Mulimu. Mwabona, ona—ona—ona kutwano, kukopana; kukopana hamoho.

<sup>46</sup> Ni lumela kuli lupila mwa nako ya kukopana. Ni shetumuna maseli a mafubelu a, ni ku monyeha lisupo ni lika kaufela (za basali, mo ba ezeza lika; ni baana, mo ba ezeza; ni likeleke, mo li ezeza), ka kubonisa kwa sikwata nyana se, ka pilu yaka kaufela, kuli Ni lumela kuli lwa zamaelela hande ka Linzwi la Mulimu mwa hola ya sipolofita ye, kusikaba kale Kutaha kwa Mulena Jesu; kukopana hamoho ni ku itukisa.

<sup>47</sup> Cwale, mwa bona, fani Titus a si ka kopanya kale linaha za . . . limpi za hae hamoho, Isilaele na ikopanyize ili yena hamoho, kuli ne ba sa lumeli kuli Jesu na ka ba Mesia. Ne ba Mu hanile, ni ku Mu lelekela kwande, ni ku Mu kokotela. Mi cwale, hane ba hanile puluso yene lomezwi ku bona, ba ikongakonga ili bona hamoho ka kueza cwalo. Cwale, mubuluke seo mwa minahano ya mina: ku ikopanya ili bona hamoho, kuli ba hane Liñusa la hola yateni! Neba na ni kueza ona cwalo. Mi cwale hane ba ezize cwalo, ki ha se kutaha sisupo sa naha mwateni.

<sup>48</sup> Linaha za kala ku kopana hamoho, mi Titus atisa mpi tuna yani ya Maroma mi ma Gerike ba tinguluka mamota a Jerusalema, ba kwalela sicaba sani mwahali cwale, mi ba bulaiwa ki tala. Ba ca makwati a likota. Josephus, muñoli yomutuna wa litaba za kale, kona mwa lu bulelezi. Mi ba fula bucwani bwa fafasi. Ki ha ba tateha bana ba yomuñwi ni yomuñwi mi ba ca; mwabona, inge batu ba ba pulumuka. Mi cwale ona fani, kwa mafelelezo, Titus, na inzi fahalimwa a malundu, ku potoloha Jerusalema kwani, mi—mi batu bani kwani ne ba hupula kuli ne ba eza tato ya Mulimu, hane ba bona limpi zani inge likena mwahae. Ne ba hanile kuutwa Mulena Yomutuna yani, Mulena Jesu, ku ba bulelela cwalo.

<sup>49</sup> Ne kusina nihaiba alimuñwi wa Bakreste bene ba swelwi kwani, kakuli ne ba boni sisupo ni kushenya. Mwabona? Kiha bali, “Babainzi fa situwa sa ndu basike ba tuluka, kamba ya inzi mwa simu akute, asike a nga kubo ya hae; kono asabele

kwa Judea, kono mulapele kuli kusaba kwa mina kusike kwaba ka nako ya maliha kamba mwa nako ya Sabata.” Kakuli, mwa nako ya maliha, kakuli—kakuli malundu akatala litwa; mi ka lizazi la Sabata, likwalo—likwalo ne li kwaliwanga, munyako omutuna, mi ne ba swaliwanga mwa buino bwani. Mwabona? Lu bata kufita ku sani kapili cwanoñu ka za . . .kuya ka mwa ezezanga Mulimu lika zani, haiba Mulena wa lata.

<sup>50</sup> Mulemuhe cwale, Na . . .Ne ba lapezi kuli kube cwalo . . . kusike kwaba ka nzila yeo, Jesu na ba bulelezi kuli ba lapelele zani, mi ne ba si ka swala ni yomukana wa bona mwahali mwani. Ne baile kakuli ne ba libelezi sisupo, mi ne ba icongile; kona fela zene liteni ku zona.

<sup>51</sup> Oh, likeleke kacenu mo li swanela kubona sisupo sa nako se lu pila ku sona! Musabe katata kusabela kwa Kalvari, kwa Bupilo; isiñi kwa keleke yeñwi, kono ku Jesu Kreste. Mu ikopanye ili mina ni Yena, mi isiñi kwa kopano yeñwi kamba tuto yeñwi ya za litumelo. Mukopane ni Kreste, mi mubone luli kuli ki Yena. Hamukoni kunga sesiñwi fela, muna ni ku ikolwisisa kuli ki Yena. Ha ki nako ya kutwano ni yeo!

<sup>52</sup> Cwale, lu fumana kuli ne ba hanile Mesia mi ba ikopanya kwa katengo ka kutwano, mi baeza—kuba . . .muzamao mwahala bona kuli haiba mutu kaufela na amuhela Jesu kakuba Mupolofita, kuli ne ba ka lelekelwa kwanda keleke. Mwa hupula mushimani yani wa sibofu yana inzi ni meto a sa boni? Mi balutiwa bali, “Kimañi yana ezize sibi? Yena, kamba ki ndatahe, ki mahe nji?”

<sup>53</sup> Mi Jesu ali, “Mwa taba ye, kutokwa; kono neli kuli misebezi ya Mulimu i kone ku ezahala, ku zibahala.”

<sup>54</sup> Mi mwa hupula, ne ba bulezi kuli bo ndatahe ni bomahe ne ba si ka bulela sesiñwi. Neba ize, “Ba ziba kuli yo ki mwana luna, kono ha lu zibi mwa folezi.” Kakuli Majuda neba bulezi kuli mutu kaufela yana ka bulela kuli Yena ki Mupolofita, yacwalo ne ba ka mu lelekelwa kwande.

<sup>55</sup> Kono, mwa bona, misebezi ya Mulimu neli kuli mushimani yo ne si wa sikwata sani. Mi ki hali, “Cwale, ki nto yenca ku na kuli ha muzibi kwa zwelela Muuna yo, kono kanti U ni file kubona.” Mwabona? Cwale, na bulela ka zona. Mwabona, yani neli misebezi ya Mulimu. Na sa folisizwe, ni kuiketa, mi na kona—na kona kubulela zateni kakuli na sina ze ne mu tama kwa maneku kaufela. Neli yena yo misebezi neiezahalezi teñi, mi kaniti a bona za hae . . .ka nako ya hae yapili mwa bupilo bwa hae.

<sup>56</sup> Cwale, Majuda ne ba utwani kuli balwanise Jesu ni—ni kulwanisa Bumesia bwa Hae, ni Liñusa la Hae la Bumesia. Lu bona taba yeswana inge i ezahala cwale, ka kuswana fela. Swalisano isweli ku kopana kuli isinye keleke, mi ni nzila fela yeo . . .fani ki kasamulaho keleke imano tamahana ili yona, mwa

Katengo ka Likeleke, ili Katengo ka Likeleke za Lifasi, kulatula ni kusinya Liñusa, lona Linzwi! Ba hanile Linzwi, likeleke liezize cwalo! Ha ba koni ku Li amuhela kakuli La lwanisa lituto za litumelo za bona; hakuna taba kamba ki Liita za Mulilo zekai ze ka lepelela mwahala . . .mwahala sicaba, kamba ki batu babakai baba kaba mwa . . .ki lika zekai ze ka bulelwa ka kunuha mi li to ezahala, ni lisupo zetuna kaufela za Na sepisize za lizazi la mafelelezo; habakoni ku li eza.

<sup>57</sup> Kabakaleo, basweli kuikopanya ili bona cwale, mi mulisana wa mina kwanu ni babañata babañwi bakona ku mi bulelela, babanze ba bala, kuli bana . . .ni muzamao wa kutwano ya—ya—ya lifasi. Mi mane . . .kuna ni mukutazi wa mu Lutheran ka zona. Kuli, haiba kutaha butata, bone bu ka ezahala mwa libaka za fa kaufi ze kwanu; haiba ha lu si ka tamahana ni muzamao wa kutwano wani, konakuli keleke yaluna haikoni kuba keleke nihanyinyani, mi bakona kuitusisa yona kuba ndu ya libulukelo. Kamba haiba alimuñwi wa luna mizwale uka bona mutu ya shwa kamba kuholofala, ni kulika ku kutaza ku yena mbuyoti ya Moya kaufela, ne lu ka kunupiwa ka zona; yeo luli ki niti. Ne luka fiwa myaha ye lishumi mwa tolongo yetuna ya naha ka kusebeza sika kaufela, kakuli ha lu membala wa muzamao wa swalisano. Kikuli ha muboni nombolo ya sibatana nji? Mwabona? Mwabona?

<sup>58</sup> Cwale, lu bona nako ya ku kopana ye kuli ya taha. Mwabona? Cwale, mulemuhe! Mi cwale keleke i kongakongile ili yona kulwanisa Liñusa; mi cwale haieza cwalo, linaha lisweli za tamahana ni zona mwa Swalisano kuli lisinye keleke hande; ona cwalo fela mone i ezelize ka nako ya pili. Mwabona? Isweli kukutela fateni hape.

<sup>59</sup> Isilaele na na ni kuhana Liñusa pili. Mi cwale hane ba hanile Liñusa, kasamulaho cwale ba masole, bupilo bwa naha ne bu ikopanyize ili bona hamoho (ka linaha zeñwi), ni kukena mwateni kusinya keleke. Mi kacenu, ba hanile Liñusa la Mulena Jesu, mi ba Li hanile. Mi cwale, nako itile fo Swalisano haitamahanya lifasi hamoho kulwanisa keleke. Mwabona, kulukela kuba ona cwalo. Cwale, ku tata kubulela cwalo.

<sup>60</sup> Nekuli tata kuli Majuda bani ba lumele. Neba ize, “Cwale amutahe, mizwale, lubona kuli—kuli wa luna—luna Mulimu u kuluna, mi kacwalo luka—luka ya mwa tempele. Mi cwale lu ka lapela, ni ku lumeleza kuli ndate yomuñwi ya kenile wa *Kuli-ni-kuli* ni ndate ya kenile wa *Kuli-ni-kuli* wa etelela mwa tapelo. Kukwala munyako!” Mi Titus anga mayemo a hae, ni kuyema hande ka mwaha kamba kufitelela cwalo. Mwabona, kuba fa musebezi wa bulibeleli, ni kuba bulaisa tala kwande kwani. Nekusina nihaiba alimuñwi ya na zwezi kwanda munzi; mi ba shwa, kubulaiwa ki tala. Mi hana keni mwani ni kubulumuna mamota fafasi, mali asuluhela kwande inge linuka mone ku bulaelwa lika kaufela.

<sup>61</sup> Cwale, Lingeloi la Mulena ne li polofitile kuli, kwa mulaho mwa Testamente ya Kale, ni kubulela kuli li ka ezahala. Ni bakutazi bani, bene ba itutile, bene ba lukela ku lumelwa ku zani ni kubulelela sicaba sani, mwa sibaka sa kueza cwalo, fani Jesu hanayemi mwahala bona, neba si ka Mu ziba mane; mi balika kupanga fela—fela . . . mufuta omuñwi wa—wa mautu a shakame, “Ku ezeze mabibo, halu bone cwa—cwale mo ku ezezwa! Lu bonise sisupo.” Mwabona?

    Mi ki Hali, “Ni . . .” Kiñi, U ezize lika zeñata hahulu, kono niteni ne ba sa liboni. Mwabona? Mi cwale hane ba Mu hanile kuba wa bona . . . Liñusa la lizazi lani, neba hanile Liñusa la lizazi lani.

<sup>62</sup> Neba palezwi kubona sisupo sa lizazi lani. Mi ni sisupo sa—sa sipolofita sa Bibe ne si ezizwe fapila bona, mi se ba bulela kuli, “Halu keneni cwale!” Bani neli baana baba kenile. Neli baana bakuli nemusike nihaiba ku ba supa munwana ka bupilo bwa bona. Neba sike baba ze *cwalo*, mi cwale—mi cwale ni kuba—kuba—kuba muprisita. Muprisita na ka bulaiwa, na ka pobaulwa ka macwe kuisa lifu ka nto ifi kaufela ye nyinyani. Kacwalo nana ni kupila ka maoyo, bupilo bo bukenile. Na sa koni kueza sani, kakuli na ka pobaulwa ka macwe ka sika kaufela. Mi cwale neli baana babatuna, ni baana ba bakenile mwa meto a sicaba, kono ibo ne ba keni mwahali ni kubulela kuli, “Cwale, luka ba . . . Luna ni Mulimu, yena Mulimu Yena yabile ni luna mwahala masika kamukana. Luka kena mwa tempele ya Hae ye kenile.” Yani neli tempele ya Mulimu ye kenile! Kono, mwa bona, Na hanilwe mwa tempele ya Hae ye kenile. Mwabona? “Luka kena mwa ndu ya Mulena. Cwale kaufela mina Maheberu muziba kuli lu lusika lo lu ketilwe, lu cwalo, ona fa. Mi Mulimu ki Mulimu wa luna; Mulimu wa Abrahama, Isaka, ni Jakobo. Una ni luna. Uka lu lamulela kwa Mafilisita baba si ka kena mupato bani kwande kwani (mo ne kuinezi), Maroma bani ni Magerike. Uka lu lamulela ku zona zani. Ha lu yeni mwa ndu ya Mulena!”

<sup>63</sup> Sani si utwahala hande; kono ki sikamañi sene ba ezize? Muyahi wa ndu nali teni, mwa mufuta wa mubeti wa Mugalilea ya ishuwile, mi ba Mu hana; fani Mulimu hana Mu pakile kakuba Mulumiwa wa Hae wa hola, ni Mutai. Mi ba Li kasheza fafasi. Kacwalo kulapela kaufela, busepahali kaufela, litabelo za bona kaufela ne li sa talusi nto ifi kaufela ku Mulimu. Neba ezize cwalo! Mi Mulimu alumeleza kuli mpi yetuna ye itamahane ni ku i sinye.

<sup>64</sup> Mi lubona kaenu, sina likeleke mwahala likopano ni zeñwi cwalo, ku wiseza Linzwi la Mulimu fafasi. Haba lati kuli mu bha bulelele sika ka lika ze, mi sayansi yakona kupaka ka maswaniso ni lika zeñwi kaufela, mi niteni ba bata kutokwa kueza sika ka Zona. Kacwalo swalisano ipangiwa kuli i sinye lika, ona cwalo sina mwana ezelize Titus, mi ni Bibele ibulezi kuli baka eza cwalo. Kaniti!

<sup>65</sup> Cwale, mwa bona fo lu pila? Ki nako ya kukopana, halu bona lika ze inge li kopana. Oh, ki kabakalañi ha lu palelwa kubona lika zani? Mwa kona—mwa kona kutalima mo mwa Mañolo ni kubona fa Na sepisize hande, sa Na ka eza. Cwale, lwa libona halito ezahala. Lwa bona mwa keleke sa Na sepisize kueza; lwa si bona ha si to ezahala. Lwa bona linaha ha li kopana hamoho. Lu bona mizamao ya milao haikopana hamoho. Lu bona likeleke hali kopana hamoho. Seli nako ya kukopana. Ki hola ya kukopana. Wani kona moya wa lusika lo, “Luna ni kukopana.” Lika kaufela ze mu bulela lina ni ku ongaongiwa; neba muuso hauna ku li amuhela.

<sup>66</sup> Mwa ziba, kakuba muña naha... Na hanikoni ka kuba muña naha, kakuba muña naha ya United States, ibo Na—Na... ne muka nifa pampili ya masheleñi alikana fa ma dollar aketalizoho kono niteni Ni ka kañakaña kubeya libizo laka fateni. Hmm. Mwabona, Hani koni kueza cwalo. Mwabona, seli nako ya kukopana. Kaufela zona lina ni kukena mwa mukwa omuñwi wa kutwano kamba nto yeñwi, mi ona kutwano yani kona nto luli yetisa nombolo ya sibatana. Mwabona? Seli nako ya kukopana, mi i sweli kubeleka ka kukena mwahali mwani. Mwakona ku li bona fela ka meeto a mina a sipepo, hane mu ka talima ku zona. Ki nako ya kukopana, koo lika kaufela se likopano hamoho.

<sup>67</sup> Mujuda—Majuda neba ikopanyize ili bona kulwanisa Jesu, kakuba—kakuba Mesia wa bona. Kabakaleo, lwa bona sene si ezahalile. Lwa bona nto yeswana cwale, swalisano iutwanela kusinya keleke, kasumulaho keleke imano kopana mwa Katengo ka Likeleke za Lifasi ni kulika kusinya Liñusa, lona Linzwi la Mulimu. Balika kuzwa ku Lona. Taba fela ye bakona kueza ki ipangela katengo ka bona bañi, bakeñisa kuli ba kauhani; sikwata nyana fa, sa ba Methodist, ni Baptist, ni ba Lutheran, ni ba Presbyterian, ba Church of Christ, ni babañwi cwalo baba cwalo. Hakuna se bakona kueza, kakuli *ye* ikaba *ye* lwanisana ni *ye, ye* ikalwanisana ni *yeñwi*, lituto za bona li shutanela kwahule inge mokuinezi kwa shutani ya upa ni wiko. Mwabona, habakoni kueza cwalo. Kono hañwi hamoho, mwatasa toho iliñwi yetuna, bana ni zona. Neba na ni zona ka nako yani.

<sup>68</sup> Ki kabakaleo ba Katolika habana ni swalisano yetuna hahulu, ba Maroma ba Katolika, kakuli bainzi mwa tamahano, haiba kuna... ni babañata ki Maroma ba Katolika; Magerike ni babañwi ba Katolika haki—haki babañata hahulu sina Maroma ba Katolika. Cwale ba kopana hamoho, mi lani kona libaka ha ba yema hamoho. Hakuna taba ka se si ezahala, yena popu yani ki yena toho ya lika kaufela. Mwabona? Mi hakuna taba kamba mutu ufi kaufela ubulela sikamañi, “Ki yena ya ngunda ya sa palelwi; yena—yena—yena ki muyemeli wa Mulimu, kufelile; u sutelezi ku Mulimu; una ni mata fahalimwa lihele, Lihalimu, ni limbo.” Mwabona? Kacwalo he hakuna nihaiba nto yekana

yekona kuezahala mwa taba *yani*; kaufela sa bulela, ona sani kona se si lukela kuezahala.

<sup>69</sup> Cwale, Baipanguli ba ikeza ili bona kuba toho ona cwalo fela, ka kuswana. Mi kana Bibebele haibuleli kuli nekuna ni siswaniso sene si pangezwi sibatana? Siswaniso ki sikamañi? Ki sika sesiswana ni sona, se si ezizwe inge sona. Ki fohe cwale, ki nto yeswana. Ki sikamañi sani? Ka kuikopanaya ili bona hamoho, mi wo kona moya wa lusika, wa *kukopana*.

<sup>70</sup> Kukopana hamoho cwale, kulika kusinya Liñusa. Kana ba Li sinya cwani? Kana bakona cwani kusinya Linzwi la Mulimu? Bakona ku Li eza ku sa tokwa mata, kuli tokwisa mata, ka kunga lizo sina mo ne ba ezelize kwa mulaho kwani kwa simuluhu, ni kueza Linzwi la Mulimu kutokwa mata. Mwabona, ba li, “Oh, zani ki . . . Luli, nihakuba cwalo, . . .” Mwa bona musali yana sa lumeli za bumulimu yo yalika ku . . . musali . . . Ni libezi libizo la hae cwale; kambe Ne ni ka kona fela ku li punda. Musali . . . Ni lika kuhupula amañata.

<sup>71</sup> Ni nahana ka za Kalibe wa Naha ka zazi leliñwi; Ni sepa kuli kambe luna ni yomuñwi ya cwalo ya ka taha. Neli yena ya na kenanga mwa libaka za manwelo a macwala ni ku sulaula bucwala, ni kueza lisupo kaufela ni lika zeñwi cwalo. Ki kabakalañi basali babañwi ha ba sa tahi baba cwalo, ni kuzwela kwande kwanu ni maswaniso amañwi a basali babainzi mapunu mwa lusika lwa bona luli, ni lika ze cwalo? Kuli, ha basana zani ni hanyinyani.

<sup>72</sup> Cwale, kono musali yo, ya sa lumeli za bumulimu, yana bulezi kuli—kuli “Bibebele haina mulao, kuli ibaliwange mwa likolo,” ni lika ze cwalo.

<sup>73</sup> Cwale hape bona, haiba mulemuhile hape, ba lika kubulela cwale, ni baituti babatuna ba Mañolo, ba ize kuli “buñata bwa bapolofita bo ne bu polofitilwe mwa Bibebele ne bu fosahalile, mi ne bu si ka to ezahala.” Mi mu utwile ka zona ni kuipalela zona. Mi basweli kubulela lika kaufela; mwa bona, balika ku sinya mata a Linzwi. Haiba ba ka kona fela ku sinya ni ku Li yolisa ka tuto ya tumelo kamba sesiñwi seo mutu sa nani, sani si bonahala mwa meto abona kuba hande mwa Linzwi, mi ba Li sinya ka—ka sizo sa bona. Mi cwalo kona mo ba likela ku sinyeza Linzwi la Mulimu, ki ka lipolitiki za likopano.

<sup>74</sup> Cwale, keleke ifi ni ifi ina ni lipolitiki za yona. Ba Church of Christ bana ni za bona, keleke ya Bakreste ina ni za yona, ni ba Baptist, ni Methodist, ni Presbyterian; kaufela bona bana ni lipolitiki zabona ze shutana. Cwale, basweli kuinela kwahule ni sani kakuli ba kauhani. Mwabona, ne li sa konahali kuezahala sapili, bana ni kueza ona zeo ka nako ye. Mwabona, ye ki nako ya kukopana, mi cwale basweli ku libeya hamoho ni ku lisululela mwa lisa leliñwi ni kubona se ba ka ba ni sona. Mawi, kuswana inge siemba sa sinkwa sa nama ya mbongolo, ni masila a zwa



mwa mungomo wa kunepela masila, ni zeo kaufela ze ba nani hamoho; ni ku libeya hamoho, ni ku yumbela makwili a bolile ni lika zeñwi hamoho, ni kubona se mu kaba ni sona. Na luli ha ni lati nihaiba sika sa zona. Batili, sha! Cwalo kona mo ba ezeza. Mwabona, basweli kunga sicaba se si lumela kuli Jesu nali litangu, keleke ye lumela kuli Jesu nali litangu; kamba nto isili fela, babamu ba lumela kuli Na li mupolofita.

<sup>75</sup> Alimumu uli, “Mazazi a limakazo a felile.”

<sup>76</sup> Yomumu abulela kuli, “Kwakona kuba sika se si cwalo.”

<sup>77</sup> Ni ze kaufela hamoho; mi Bibeles ibulela kuli, “Kikuli bababeli baka zamaya hamoho ha ba sa lumelelani?” Mwabona? Cwale, wani kona mufuta wa kutwano o ba nani. Ni kuba ni ndate yomuñwi yomutuna ya kenile kuli abeiwe fahalimwa zona, mi fani kipeto kele muba ni siswaniso sa sibatana, ona cwalo fela kona ze i bulela Bibeles. Cwale bana ni mukutazi wa ba Lutheran, yena toho ya yona. Kihande, lwabona kuli ki nako ya kukopana. Ki nto yeswana cwale, Swalisano ni kukopana hamoho; mwa lifasi, mi mwa keleke ni zeñwi cwalo, kukopana hamoho.

<sup>78</sup> Ki sibupeho mañi. Oh, mawi! Sibupeho, hane mu ka lemuha za sibupeho, si eza lika zeswana. Sibupeho ki kalenda ya Mulimu ya lisupo. Kana mwa ziba seo? Jesu na ba bulelezi kuli ba talime ku za taho. Liwate li ka pikuluha, mwabona, mi ku kaba ni lika ze shutana, ni lizikinyeho za lifasi mwa libaka zeñata, ndwa mwahala linaha, lisupo mwa lihalimu, lisupo fa lifasi, kai ni kai kukaba lisupo zani za kutaha kwa nako.

<sup>79</sup> Mutalimele malu. Malu a si ka tisa pula, mwa ziba mo li ezahalelanga? Tumalu nyana tu taha hamoho, tupanga lilu lililiñwi lelituna. Kihande, le lina ni moya omuñwi osweli ku kasha moya mwahala lona, leliñwi le lina ni moya ka buñata osweli kufuka mwahala lona, mi kaufela ona a futa hamoho, mi kipeto aba ni liñungwa inge kakundukundu. Mwabona? A kopananga a si ka ba kale ni liñungwa; ana ni kueza cwalo.

<sup>80</sup> Mutalimele lipato ni macikwi ha kopananga hamoho a si ka zwa kale mwa naha ya ona. Mwabona? A kopananga hamoho. Mwakona ku abona inza fufa kuzwa lisa le kuya lisa lani, kuzwa fa afufela fani, kaufela ona hamoho. A kopana, ili kuitukisa kufufa. Mwabona, fela ki. . .yani kona taho, mi Mulimu na bupile za taho, mi za taho li beleka ka mulelo wa Mulimu. Ki mulao, mulao wa Mulimu o si ka ñolwa, taho i beleka kuya ka mulao wa Hae.

<sup>81</sup> Kuswana inge, kukutaza fa sebelezo ya maswabi, kuna ni mununo wa kota okenanga mwa mubu mwa libita, mwatasa mubisi, kuinelela mwani kufitela zuho ka nako ya litabula. Ki mulao wa Mulimu. Hakuna butali bo bukona kunga mununo wa mwa kota kuli ukene mwatasi mwani; hamukoni ku u hamula mwateni, hamukoni ku u hama mwateni. Hakuna mukwa wa kueza hande ka ona kufita Mulimu mwa ezezanga. Mulimu

una ni nzila ye petehile. Kacwalo litali haliwa, kipeto Wa luma mununo wani mwatasa libita ni ku upata. Sina Jobo hanaize, “Uni pate mwa libita kufitela buhali bwa Hao ha se bufelile.” Mwabona? Bu ya mwatasi mwani kakuli ki mulao wa ze bupilwe, kusikaba kale puka. Mutalime kwa matali cwale hakala kuwa. Kiñi? Ki mulao wa ze bupilwe.

<sup>82</sup> Macikwi aka kopana hamoho, yeñwi ni yeñwi ya ona, ni kumata mwa mulaho wa mueteleli. Mwahali mwani aka ziba nto yeñwi, Hani zibi mo li ezezanga zateni, kono li ziba kuli ngunga yani ya licikwi kona mueteleli. Mi ona nto yenyinyani yani, kaufela zona litaha hamoho ni kumata mwa mulaho wa yona, ni ku fufela mwa halimu. Mi ika. . . halisika nanuha kale mwa lisa lani cwale, kono ika ya fela kulibana ni Louisiana kamba Texas ka mo ikona kuyela, kwa masimu a buloto. Mwabona, li si ka nanuha kale kufufa, kusiya lapa la zona kone li pepezwi mwaha wani, za kopana hamoho. Amen! Kifohe cwale; kumata mwa mulaho wa mueteleli wa zona.

<sup>83</sup> Butata bwateni ki kuli, ku mutu, ha zibi mueteleli wa hae. Eeni, sha. Ba ka mata mwa mulaho wa kopano, ba ka mata mwa mulaho wa bishopu kamba muuna usili, kono habana ku mata mwa mulaho wa Mueteleli, yena Moya o Kenile mwa Linzwi. Mwabona? Ba li, “Oh, kihande, Ni saba kuli Ni ka ba ya fitelezi hanyinyani mwa tumelo; Ni saba kuli Ni ka hata liutu fo ku maswe.” Ohhhh, kifohe cwale! Kucwani kambe licikwi lelinyinyani neli ka bulela kuli, “Hani lati fela mukwa wa bapulela mafufa a hae. Hani sepi kuli Ni ka mu latelela.” Uka kangela kuisa lifu. Uka swaseha ona mwani, haiba ha una kunga siemba ni—siemba ni ze fufa hainze iya. Ika ikopanya ni zona hamoho, mi sibupeho kona se si eza cwalo.

<sup>84</sup> Macikwi akopananga hamoho, amata mwa mulaho wa mueteleli wa ona; aezanga nto yeswana.

<sup>85</sup> Kana mukile mwa lemaha limuka ha li fufa? Limuka lika kubukana hamoho, lisika fufa kale, lika kubukana kupotoloha mushemi wa zona. Yeo ki niti. Mi ko aya, ni zona za ya kwateni hamoho. Eeni! Ki sikamañi se li eza? Za kopana li si ka fufa kale. Kaniti; sibupiwa kaufela!

<sup>86</sup> Litapi za kubukananga hamoho litabula li sika fita kale. Mwa liwate, mwakona ku li fumana; ona zetuna zani. . . ze lubizanga kuli “matunda,” za salumoni. Hali taha kwani, kusika taha kale zani, mu ka libona ka likitikiti ze mashumi, kwande mwa liwate lani, kutaha linze lipotoloha ni kupotoloha; mwa mezi a lizwai, kono kanti ki litapi za mezi a munati. Mi kipeto za taha ona mwa mezi a munati, kuya mwa mwaha wa kuzwala. Liya kwani ku yo zwala, mwendi mwahala myaha yemine kaufela, mi za shwa li sa zwala fela. Mi liziba kuli liyela ku yo shwa kwani, mi hamukoni ku li tibela ka sika kaufela. Li ka tula tutamba twa litapi ni lika zeñwi kaufela, inge liya ona cwalo

kwani, inge li ziba kuli liya kwa lifu. Kono mulao wa ze bupilwe wa li eza, kuziba kuli liya kwani ku yo zwalela mwa misima, ni kushwa. Mi kipeto za bana za pepwa, mi sesiñwi sa li kopanya hamoho, mi kipeto zakena mwa liwate ni kuya. Ki kukopana! Ki mulao. Hamukoni fela ku lyanganisa mulao wa Mulimu.

<sup>87</sup> Linaha za—za ikaba, kakuli nako ye lubona kuli—kuli li lukela ku eza ona cwalo. Lu mwa mukoloko wa kulyangana kwa naha. Lu bona linaha inge li ikaba mwa bulikani. Mwaha ni mwaha, lu fumana *kuli* naha ye imizizwe mwa swalisano; *ye* hape imizizwe mwa swalisano. Mi mane nihaiba mwahala naha ya luna ye, li lambilwe swalisano kaufela, mi ika li hatelela! Mwabona, i ka eza ona seo, hakuna mukwa wa ku li tuhelisa. Kiñi? Lona libaka leliswana inge hane musike ku hanisa Titus. Sicaba si hanile Mulimu ni Linzwi la Hae. Eeni, sha, kacwalo ba ka eza ona seo, mi lwa si bona hande mwa muzamao.

<sup>88</sup> Na, hañata, Ni nganga liholo zeñata; Se ni bile kale mwa mizuzu ye mashumi amalalu, ona fa cwale. Mwabona? Kono fa kuba ni zona ze kaufela mwateni, Ni sweli fela ku kasha. Mu yo balisisa hamufita kwa malapa.

<sup>89</sup> Mulemuhe, ona fa basweli kukopana. Mu li, “Muzwale Branham, kana ki niti yeo?” Ba taha kwa Ndwa ya Armagedoni; luli kona se ba ka eza. Mwabona? Mi basweli ku kopanela seo ona fa. Ki kabakaleo haluna ni ba U.N. ni lika kaufela ze lunani zona. Lifasi la ba kwa Wiko lisweli kukopana kulwanisa Lifasi la ba kwa Upa, swalisano ni zeñwi cwalo, kaufela zona za kopana hamoho. Likeleke za kopana hamoho. Lika kaufela libonahala kuba ze kopana. Kukopana, za ikopanya ili zona hamoho, lwa bona cwalo.

<sup>90</sup> Hape, hanze kuna ni kukopana kwa linaha ze kaufela, ona lisupo ze, lisupo za linaha, lubona kuli kwande mwa lifasi, lizikinyeho za lifasi mwa libaka ze shutanashutana, lika zeshutana za kopana; kutisa lifasi hamoho, kutisa sicaba hamoho, likeleke kaufela hamoho, lika ze kaufela. Mi kopano ya zeo kaufela hanze i ezahala cwalo, kuna ni kukopana kokumu ko ku sweli kuezahala. Amen! Sani kona se Ni bata ku mi supeza cwale.

<sup>91</sup> Mulimu usweli kukopanya Munyaliwa wa Hae. Usweli kutaha hamoho, kuzwa kwa Upa ni kwa Wiko, ni kwa Mutulo ni kwa Mboela. Kuna ni nako ya kukopana, ni zeo lisweli za ezahala ona fa cwale. Ki sikamañi Sa kopanela? Ki Kuungelwa. Amen! Mulimu usweli wa Mu baakanya. Eeni sha, kukopana! Ki sikamañi Sa kopana ni sona? Ki Linzwi! “Kakuli lihalimu kaufela ni lifasi li ka fela, kono Linzwi la Ka halina ku fela.” Usweli kuikopanya Iliyena ku zakuli KISONA SA BULELA MULENA hakuna taba ka seo kopano kaufela kamba mutu ufi kaufela sa bulela. Usweli kuikopanya Iliyena. Usweli wa itukisa. Kiñi? Ki yena Munyaliwa. Yani ki niti. Mi Usweli kuikopanya

Iliyena ni Munyali wa Hae, mwabona, Mi Munyali ki Linzwi. “Kwa simuluhu nekuna ni Linzwi, Linzwi nali ku Mulimu, mi Linzwi neli Mulimu. Mi Linzwi la ezwa nama mi la to yaha ku luna.”

<sup>92</sup> Mi Keleke ni Munyaliwa ni Linzwi se litaha kuba nto iliñwi, kufitela lona Linzwi Kasibili se libeleka misebezi ya Munyali. Amen! Mwa bona nji? Ki kukopana! Hakusana hape za, “Kuikopanya kwa keleke”; hakusana ni zeñwi za *zeo*, kono ki kusaba kwa lika kaufela ni kutameha ku Jesu Krete. Mwabona? Ki nako ya kukopana. Mulimu, kukopana ni Munyaliwa wa Hae hamoho, ku I kutisa; ona cwalo fela. Kukopanya Manzwi a sepišo ya Hae.

<sup>93</sup> Matesalonika Babubeli, kauhanyo ya 2; I bulela kuli, yona kauhanyo yabu 5 ye ili, “Baba kenile baba lobezi mwa liluli la lifasi ba ka zuha. Mi kipeto lu ka kopana ni bona (bona ba bapila, hamoho ni ba ba shwile), luka kopana mane lu si ka fita kale kwahalimu Kwani,” kakuli Munyaliwa ukaba ya kwanelezi hande ha Ka yo fita Kwani. Bona baba pila, fo ba ka ikopanya ili bona ni Linzwi, mi bani babaile kale ba ezize cwalo; mi kipeto kaufela Zona litaha hamoho, kueza kopano iliñwi yetuna a si ka ngelwa kale mwa halimu Mwani. Amen!

<sup>94</sup> Swalisano ina ni kutaha, lika zeñwi ze kaufela lina ni kutaha, mi keleke ina ni kuikopanya ili yona kwabuse kwani, fani zani. . . mi linaha kwande kwani ku ba Katengo ka Likeleke za Lifasi; mi Munyaliwa una ni kuikopanya Iliyena kwa Linzwi la Mulimu. Fa kukona kueza cwalo, Mulimu ulumile sisupo sa Lihalimu ni lika zeñwi, sani si bonisa kwa Keleke, sina Mwa ezeza kwa naha. Amen.

<sup>95</sup> Mulimu; nako ya kukopana! Eeni, sha. Oh, mawi! Cwale, mu hupule, cwale, kuna ni kukopana kwa Linzwi (kukopana sinca hape), ku kutiseza “yona Tumelo yekile ya fiwa hañwi ku baba kenile.” Ku kutiseza! Kuli se ne sikona fela kuezahala mwa lizazi le. Nako fela yene li ka ezahala ki yona nako ye cwale. Ne li si ka lwaniswa kai kamba kai; ne ba zwezi kwande kuitulela mikiti ya likopano. Kono cwale, ha ki za mukiti ufi kaufela wa kopano, kakuli ki nako ya kukopana ya baana ni basali ba lusika kaufela, mubala kaufela, tuto ya tumelo kaufela, lika kaufela mwatasa Krete ka Kolobezo ya Moya o Kenile ni kukutela kwa Linzwi.

<sup>96</sup> Nako ya Keleke ya kukopana! Oh, mawi! Kukopanya Linzwi kaufela le li hasanezi mwa likopano ze kaufela: kukalela kwa Nicaea, Rome, hane ba ongaongile keleke ya pili, mi ba ongaongile Luther, ne ba ongaongile Wesley, neba ongaongile likeleke zeñwi kaufela. Mi ka kueza cwalo, neba nani ku amuhela tuto ya tumelo, mi cwale Mulimu hana lumile nto yeñwi, ne ba si ka Li amuhela. Kabakaleo, ne ku sa konahali kufitela ni cwale. Mi Mulimu na sepišize, mwa mazazi a mafelelezo, kuli “Tumelo ya bashemi ika kutiswa ku Munyaliwa hape,” kuli ne kukaba ka

nzila ye, mi ne ku sa konahali kuba ka nako ifi kaufela kono konji ka nako yona ye. Mutalime sisupo se sizwa kwa Lihalimu, kakuba Siita sa Mulilo inge si lepelela mwahala luna, mi ni ka lisupo ze komokisa za Mulena Jesu Kreste. Mi Ha sa bulela ku luna, Ha li palelwangi kuba leli petehile kuya ka swanelo yateni. Amen! Konakuli lwa bona fo lu yemi. Nako ya kukopana!

<sup>97</sup> Lu bona linaha ha likopana, lu bona lifasi ha likopana, lu bona swalisano ha ikopana, lu bona likeleke ha likopana; mi lu bona Mulimu inza ikopanya Iliyena ni Munyaliwa wa Hae, kufitela Yena ni Keleke haiba nto iliñwi. Haleluya! Inge mundandwe o pahami kwani. Luli! Ku i kopanya ilibona hamoho; Mulimu ha kopana! Kiñi? Kwali kuba, kukala ka lusika lwa keleke ya pili, kube Siita sa Mulilo sene sibanga mwahala sicaba. Kwali kuba, kukala ka lusika lwa keleke yapili, ba bone lika lika ze lubona kacenu. Mi se ne si ezizwe fela ka bunolo fani Mulimu hana lumile Maswayo Asupa ni ku lufa sisupo ka Sona, ni kuluma Mangeloi asupa kutaha kuzwa kwa Lihalimu; ni kutisa Linzwi lene li hasanezi mwa likopano zani, ni ku li tamahanya kukutela mwa Linzwi la Mulimu hape, kushetumuna Moya wa Hae o Kenile.

<sup>98</sup> Jesu naize, “Ha muina ku Na ni Manzwi a Ka aina ku mina, konakuli mukope ze mu lakaza, li ka eziwa ku mina.” Kukopanya Munyaliwa kukutela kwa Linzwi, yeli yena Mulimu. Keleke ni Linzwi, isiñi Keleke ni tuto ya tumelo, Keleke ni Linzwi; Munyaliwa ni Linzwi likopano hamoho. Oh, mawi! Ha ki . . . Kukutiseza sikamañi? Tumelo ya makalelo ya bashemi ba pentekota, mwabona, bene ba hasani ka sikwata sa Luther. Isiñi Luther kasibili; isiñi Luther, isiñi Wesley, isiñi bakalisi babatuna bani. Kono kasamulaho wa kuya kwa bona, nekuna ni keleke yene tahile, mi bona . . . sene ba ezize ka sona kasamulaho, ba panga katengo kuzwa ku yona. Ba amuhela lituto za litumelo ni zeñwi cwalo, mi ona cwalo ba ikela. Mi mu batalime kacenu, cwale batile mwa Katengo ka Likeleke za Lifasi.

<sup>99</sup> Cwale, mwa bona, kono mwa mazazi a maungulo, mwa bona, lu bona lika ha li sweli kuezahala cwale ze si ka ezahala kale fateni. Mwabona, ki sisupo sa Mulimu, mi ni kukopana kwa kaufela kona sisupo sa nako. Cwale, lubata kutalima ku seo ka tokomelo ni kubona hande kuli lwa li utwa. Kusiya . . . ba siya Linzwi la niti kuya kwa likopano; ba amuhela tuto ya tumelo ni mihupulo ye shutana ya batu kufita kunga Linzwi.

<sup>100</sup> Sinulo 10 ili, “Liñusa la lingeloi la busupa.” Cwale muhupule, yeo ki niti kwa Litolombita Zesupa, mi kuna ni mangeloi a supa aliza Litolombita Zesupa. Seo kona se lutaha ku sona se sitatama. Kono muhupule kwani, ka kutomahanya hande luli Ibulezi kuli, “Ki za lingeloi . . .,” isiñi Tolombita ya lingeloi la busupa, kono ki “Liñusa la lingeloi la busupa.” Mwabona, isiñi lingeloi la Tolombita, lingeloi la Liñusa! Mwabona, lingeloi ne li liza fela tolombita, lingeloi la busupa lani, lingeloi la Tolombita.

Kono ye ibulela kuli, “Mwa mazazi a Liñusa la lingeloi la busupa,” mwabona, fo Liñusa la haeha se lifelile. Mwabona, lani ki Liñusa la lusika lwa keleke. Mwa nako ye, mi kona aka . . . eza Liñusa, isiñi Tolombita, mi “kunutu ya Mulimu (zani li ñozwi mwa Linzwi) ika feliswa.”

<sup>101</sup> Cwale mutalime lizazi le lupila ku lona! Mutalime fa Maswayo ani, mwa na hohezi Linzwi la Mulimu lene li hasani, seo Luther ni babañwi babasiyezi ba bona, kuli baongaongi babatuna bene baile bani; neba kutile ku to libonisa mwa Bibebe, kone li kaba; mutu kaufela fa mayemo a hae, sa na ka eza ni sene si ka ezahala kwa keleke; kisikamañi sa na kaeza, ni sene si ka ezahala kwa keleke; lika ze kaufela za na siile. Mi cwale, mwa lizazi la maungulo, hane lu sa zibi sika kaufela ka sona, ne li lu bulelezi lika zeñwi ze ezahala; mi mane nahaiba mitende ni lika zeñwi za inopa, ni kutaha fafasi ku to li patulula ni kutama likunutu hamoho. Amen! Muzwale, sani ki sesinde kuna! Sani, kuna, sitomahanya hande Linzwi. Amen! Hanina taba—taba ka seo, kamba, Hanina taba ka seo batu ba bulela, ba nahana, yeo ki niti, kono kuna ki Niti.

<sup>102</sup> Sina baana baba butali, bene ba zwa kwa Babilona, neba huwa kuli, “Uka Yena, ya pepilwe ali Mulena wa Majuda? U mwa lifasi, ona fa cwale. Luna ni ku Mu fumana.” Yeo ki niti. Mi Ni lumela kuli U fakaufi hahulu ni kutaha kuli Ni kona kubulela kuli, “Amubone, kiyo Munyai wa taha! Ni utwa pizo ya mwahala busihu!” Amen! Luinzi kwa nako ya maungulo. Oh, mawi, yona hola yelupila ku yona. Mulemuhe. Mwabona?

<sup>103</sup> Ki lizazi mañi! Ki nako yecwañi yelupila ku yona, yona kunutu yetuna ya Mulimu ye hanze italelezwa; kutisa za toho ya Bumulumu, kubonisa kuli I cwalo; kamo liezahalela litamiso zetalu zenyinyani ze, ni kuzwelapili ku Mu eza *cwana*, mi yomuñwi u Mu ezize *se*, mi yomuñwi u Mu ezize *sani*. Kono Lingeloi la Mulena la shetumuka fafasi ni kutisa litamiso za bona kaufela, ni kuhoha Niti yani kuzwa ku zona, ni ku I patalaza. Mi ki Yani fani, ka kupetahala fela ka mo Ikona kubela, hakuna nzila isili ye mukona kuya ka yona. Ki Yani fani, sani kona Sa li sona. Mwabona, peu ya noha, kaufela—kaufela lika zeshutana zebile za likunutu hahulu mwahala sicaba. Mwabona? Kisikamañi? Nana ni . . . Se ki sisupo kwa sikamañi? Kukopana!

<sup>104</sup> Ki sikamañi sa Na bulezi mwa Malaki 4? Uka kutiseza! Kukutisa Tumelo ya makalelo ya pentekota, kuktela kwa batu ka Liñusa le liswana la pentekota, ona sisupo siswana sa pentekota, ona bupaki bobuswana bwa pentekota, yena Mulimu yaswana, ona Mata a swana, yona tuto yeswana, lika kaufela ona cwalo, ka ponahazo ya Siita sa Mulilo se si swana sene si monyehile Saule fa musipili, hanaya kwa Damaseka si mwahala luna kacenu, si eza lika zeswana za Na ezize mwa lizazi lani. Kukopana!

<sup>105</sup> Lwa bona linaha ha likopana, lwa bona lifasi ha li kopana, lwa bona likeleke ha likopana. Lwa bona Munyaliwa ha kopana, ukopana ni Linzwi. Kiñi? Linzwi ki Mulimu. Mi sina Linzwi . . . Sina Munyali (haba yena Linzwi), ni Munyaliwa (haba muteelezi wa Linzwi), Ba taha hamoho mwa Buñwi. Ba kopana sina sinawenga. Mwabona, Ba sweli ku itukiseza sinawenga, mi Ba—Ba ba Alimuñwi. Linzwi li ba wena, wena uba Linzwi. Jesu naize, “Ka lizazi lani mu ka ziba. Kaufela zali zona Ndate, li Kuna; mi zeli Kuna kaufela, ki mina; mi kaufela ze muli zona, Kina. Mwa lizazi lani mu ka ziba kuli Ni inzi ku Ndate, Ndate u ku Na, Na ku mina, ni mina ku Na.” Mwabona? Ka “lizazi lani.” Lizazi mañi? Lizazi le! Lu fumana likunutu zetuna zepatilwe za Mulimu ha li patululwa. Oh, mo Ni latela sani!

<sup>106</sup> Oh, mutalime mo sayansi ni Linzwi mo li palelelwa kuswalisanela, sina mo ba ezeza kacenu. Ne ba palezwi ku li eza sapili. Ki fona fa cwale haba konile ku kondisa.

<sup>107</sup> Mulemuhe, Na bulezi kuli, “lisupo za lihalimu, lisupo za lihalimu.” Sayansi, ni lisupo za naha; cwale bana ni lisupo mwa mbyumbyulu kacenu, bana ni bapahami ba fa kweli ni lika kaufela. Kono cwale bapahami ba fa kweli bao baeza sikamañi kwa lifasi, sisupo? Li ba tiseza boi. Haba zibi nako yeba ka luma nto yeñwi ye cwalo ni kuwisa fela ma bomba ani, mi haluna kuba teni hape. Mwabona? Cwale zeo kona lisupo ze ba nani, lika ze sabisa zeli mwa lihalimu. Mwabona? Kaufela ni zona, litobolo zetuna za atimiki ni lika kaufela, mifuta kaufela ya lisupo.

<sup>108</sup> Mwabona ko ne ba nyatezi yona—yona tumelelano ye, zazi leliñwi lani, kuli habana ku pancisa nihaiba bomba yekana ye ka kwaluha, kono cwale ba kena mwatasa mezi ni mwatasa mubu, ku li tatuba ka kuswana fela. Mwabona? Ba nyatezi tumelelano, “Haluna kueza se, haiba mubulela kuli hamuna kueza zeo (kono lukaya kukutela kwa hae ni kueza ka nzila ye; halunze luziba kuli ni mina mueza ka nzila yeswana kafoo).” Mwabona? Hakuna fela sika, fela ki. . .hkuna kusepana mwahala bona, hakuna—hakuna sika. Mwa kona. . .Mwabona? Mi yo usaba yomuñwi. Seo ki sisupo se si sabisa.

<sup>109</sup> Sayansi ni mutu ni linaha lipangile sisupo se si sabisa mwa mbyumbyulu. Yeo ki niti luli. Cwale, ku sabana. Mi kubile ni sisupo sa lihalimu se si filwe kwa. . .Mwabona cwale, bana ni sisupo mwa lihalimu ni bona, sisupo se si sabisa, mutu mwa sibaka sa fa kweli; wakona kuba ni tobolo yetuna ya atomiki, mi wakona ku wisa ni kusinya naha kaufela. Kupahama fa kweli, ni kuyema fateni. Hakuna se si ba hanisa kueza ze cwalo. Bakona ku lieza hande luli, ba. . .nako kaufela yeo babata. Bakona kuitisa mwa liluli haiba ba tabela kueza cwalo, kono. . .mwa mizuzu ye lishumi ka yeketalizoho kuzwa fa cwale. Ni sa kona kueza mutu, yomuñwi ka nzila yani, ni yena. Kacwalo, mwa bona kuli bana ni sisupo, kono sisupo sa mufuta wani sa ba sabisa.

<sup>110</sup> Basweli kukopana hamoho, ba beya mata a bona hamoho. Lona lifasi la tukuluho, ba beya mata abona hamoho. Ba swalisano ba beya mata abona hamoho ni Russia. Mañi ni mañi; kono yomuñwi ni yomuñwi ba sabana. Mwabona, ki sisupo se sisabisa. Yani ki niti. Zani ki lisupo za naha, ni lika zeñwi.

<sup>111</sup> Kono Keleke i amuhezi Sisupo sa Lihalimu: sa Mupahami wa fa kweli! Amen! Jesu Kreste, mwa mufuta wa Siita sa Mulilo; sa Na li ku sona mwa Testamente ya Kale, sa Na li ku sona fani Ha katana Saule fa musipili wa kuya kwa Damaseka, ki Jesu yasana fa kacenu! Mi Si eza sikamañi? Kana Si tisa sabo nji? Si tisa lilato, ki kukopana ni babañwi. Amen! Ku utwelana butuku yo yomuñwi ni yomuñwi. Si tisa Lilato la Mulimu, oh, ku lukopanya ni ku lutisa, sina Mubili wa Kreste, kukena mwa buñwi kakuba Munyaliwa. Sani kona se si sweli kuezahala cwale, kona kukopana ko kutuna kwani kwa Mulimu . . .

<sup>112</sup> Basweli ba ikonanya ili bona, sikwata silisiñwi *kwanu* si lwanisana ni sesiñwi, sikwata sesiñwi *kwanu* si lwanisana ni sesiñwi. Fa keleke iyemi mwahala bona; mubone se si ezahala, lika swalisana ni bona. Yeo ki niti luli. Kono, cwale, lu fumana kuli sani sitisa sabo ni kufilikana.

<sup>113</sup> Kono Keleke, yena Munyaliwa, u swalisani ka Mulimu alimuñwi, mwatasa Moya ulimuñwi, Moya wa Mulimu, mwa Tamahano iliñwi ye kenile ya Mulimu, kuba Munyaliwa alimuñwi ya kenile ku Mulimu. Yani ki niti, kaufela hamoho; tamahano ya Mubili. Mubili o libelela sina Munyaliwa; inge—inge Mwa inezi Munyaliwa, halunze luipiza kuli lu Munyaliwa. Ka nako ya kukopana kwa Munyaliwa, Keleke isweli kutaha hamoho. Li lukela kubupa lilato fela mwahala luna, kuli mane halukoni kuba kwahule ni yomuñwi. Yani ki niti. Mu sa eza fela, hamulukeli ku kombelela batu kulapela, hamu lukeli ku ba kombelela kulapela Mulimu, ha mulukeli ku ba kombelela kueza ze lukile. Bakeni hahulu mwa lilato ni Yena, kufitela kutokwa kuba sika sifi kaufela.

<sup>114</sup> Ki sikamañi se mu nahana ka musizana yomunyinyani, musizana yomunyinyani wa musebezi mwa lapa, ya ka nyalwa ku mutangana yomunyinyani yomunde yo alatana ni yena hahulu, ki ya talusa zetuna hahulu ku yena kufita bupilo bwa hae tota, mi wa ziba hande ona fani kuli ba ka nyalana? Mi lizazi lani la sinawenga ha li sutelela, yena mutu yani, Na mi bulelela, ki ya “uzamaya kafa ni kafa.” Mwabona? Usweli ku lukisa lika kaufela; wa ipeya ku yena ka kufezeza. Yeo ki niti. lika kaufela ze mu tabisa, sani kona sa tabela fela kueza. Kihande, yeo ilukela kuba nzila ya Keleke kacenu, kuli bupilo bwa luna bulukela kupatiwa luli ku Mulimu ka Kreste, lu swailwe mwahali mwani ka Moya o Kenile.

<sup>115</sup> Nto ye Ni bile ni mi luta fa, ki ku mi bulelela lisupo zeshutana ze ezahala, Hanina nako ya kueza zeo cwale; ni ka ba cwalo mwa



liñusa leliñwi, haiba Mulena alata. Kono ku sa na ni nto iliñwi ye siyo mwa Keleke. Mi lubata sani, lube ni zani, mi Ni fa mafelelezo ateni cwale. Mwabona? Lubata kuingela zani, haiba . . . muna ni kuezwa ona cwalo. Haiba ha muezi cwalo, foo kipeto kufelile, mwa lukela kuezwa cwalo. Kakuli mutalime, nako ya kukopana ifa kaufi, kakuli Mulimu usweli kubeya Keleke hamoho kuba—kuba Kuungelwa kuya kwa sinawenga sa Tamahano Yetuna: fani Mulimu ni mutu habaka tamahana kwa Kuyakuile, ki fo libupiwa za nako hane likopani ni za Kuyakuile.

116 Ne li ezizwe ka nako yeñwi mwa mufuta wa Mwana mutu fa lifasi. Mi Na file Bupilo bwa Hae kuli atise mata, kuli akopanye batu babañwi ka ona Mata a swana ao, ku Munyaliwa wa Jesu Kreste. Mi cwale Keleke isweli ya i kopanya Iliyona kwa Mubili wa Kreste. U lukuluhile Ona uñi, kupumeha kwa litamo kaufela ze likani, ku Mu baakanya; kutaha hamoho, tamahano mwahala bona; oh, lilato ni tabo, mi Moya o Kenile unzo zamaya mwahala bona. Oh, mawi, ki nako yecwañi!

117 Halunze lubona lipato ha li itukisa, lu bona macikwi a aitukisa, lu bona libatana . . . limuka za kopana ka buitukiso, lu bona malu ha kopana ka buitukiso bwa pula, lu bona lika kaufela; mo a kopanela hamoho, kwa kukasha kwa ona ko kutuna. Lu bona Kutwano ya Linaha, ya linaha haliba hamoho, likopana hamoho mwa swalisano. Lwa libona ha li kopana kwanu mwa Lifasi la kwa Wiko. Lu bona keleke ha ikopana hamoho, litaba zeñwi ze kaufela. Kacwalo ha ku konahali ni hanyinyani, hakuna nako yeñwi halikona kuba cwana; ne ku sa konahali kuba cwana myaha ye mashumi amabeli yefitile, ne ku si yo cwana ka nzila ye. Ne ku si yo cwana myaha ye lishumi yefitile, kuna ni kuba cwana ka nako ya cwale. Mwabona, kakuli mitomo ya milao ye ne isika taha kwa sibaka se.

118 Cwale muzuhe! Mu nyanganye, kapili luli, mi mutalime fa fo luinzi! Lu kai kana? Sina baana baba butali bani, lu mwa sikuka ni Linzwi la Hae, mi Liseli la Mulena la monyeha mwa nzila ya luna. Kanya ku Mulimu ya kwa Lihaliimu la kwa Halimu. Mi Kanya ibe ku Mulimu Ya lufile Jesu Kreste, Yo lu lata, mi u lutisize mwa sibaka se. Mi sina luna . . . Lu sicaba sa Hae, lu lekilwe ka Mali a Hae amande.

119 Oh, mawi! Mi nako ya kukopana ha itaha, lu talimezi, halunze lu kopana ni ku yomuñwi ni yomuñwi mwa litamo za Moya wa Hae, luba . . . Kana ikona kuba Moya wa Hae nji? Luli, Ki Moya wa Hae. Kiñi hauba Ona? Ki Linzwi la Hae, mi Yena uteni . . . wani kona Moya wa Linzwi. Mi cwale Moya wani wa Sepiso hautaha fahalimwa hao ni kupaka ni ku Iponahaza iliona ona fa, kana Ki Moya o swana nji? Neli Ona onoli ni Mushe mwa lihalaupa! Neli Ona onoli ku Jesu Kreste! Ki Yena yana katani Saule fa musipili wa kuya kwa Damaseka! Ki yaswana maabani, kacenu, ni kuyakuile! Mi U eza lika zeswana!

<sup>120</sup> Mi lubona linaha hamoho, lubona litho za likeleke hamoho, lubona swalisano hamoho, lubona mitomo ya milao ha ikopana, lubona lika ze kaufela; mi cwale se lubona ni Munyaliwa ha kopana ni Linzwi. Oh, mawi! Seli nako kuli babakenile ba zuhe ni bani ba bapila, ku yo kopana ni Jesu Kreste mwa Kuyakuile.

<sup>121</sup> Mi Mulimu alutuse, mañi ni mañi, kuli lu kopane ni Kreste busihu bwa kacenu, luka ipa ka za luna kaufela zeluli zona, lika kaufela ze lunani, moyo wa luna ka kutala, mubili, ni ngana, ku Jesu Kreste, ni kulibelela nako ya kukopana kwani.

Muta tolombita ya Mulimu haita lila, mi nako hase ifelile,  
 La kakusasana ko Kusafeli, ko kubenya mi kokunde;  
 Fo baba shwezi ku Kreste haba ta zuha ni kukopanela mwa buse bwa likamba (ni Munyaliwa ni baba pila), kuli ba ngelwe mwahalimu hamoho.

<sup>122</sup> Mutalime kwa kopano! Mulimu u kopanya Keleke ni Linzwi la Hae, Linzwi ni Keleke, kuli sibeli sa zona libe ze swana, “Mubulele *cwana*, mi kipeto sa ezahala. Mueze *cwana*, mi si ka ezahala. Ki cona cwalo; yo ki Na fapila hao, yo ki Na ya paka lika; yo ki Na ni mina.” Ku lukile.

<sup>123</sup> Lu fumana cwale kuli nako yatahanga fo Tolombita ha i ka liziwa, mi ba bakenile ba balobezi bani kwa mulaho kwani, habakoni ku eziwa baba petehile kusina luna; ba itingile ku luna (Maheberu 11); mi haba taha hamoho, ba kopana ni baba pila. Keleke i swalisana ni Linzwi, mi kipeto Keleke ni Linzwi za kopana hamoho, kuba ka kutaha hamoho. Babakenile baba shwile ni babakenile baba pila bakopana hamoho kuba balibañwi; mi kaufela baya hamoho ku yo kopana ni Kreste mwa mbyumbyulu, kwa Mukiti wa Linyalo la Ngunyana.

<sup>124</sup> Ki nako ya kukopana, mi lisupo za bonahala kai ni kai. Lisupo li mwa linaha, lisupo li mwa swalisano, lisupo li mwa Lifasi la kwa Wiko, lisupo li mwa Katengo ka Likeleke. Mi Sisupo ki se fa busihu bwa kacenu mwatasa ponahalo ya Moya o Kenile, mi Linzwi la Mulimu la paka kuli ki Niti. Amen! Nako ya kukopana! Sisupo sa Nako ya Kukopana!

Halu inamiseni litho za luna.

<sup>125</sup> Mulena Jesu, sina pilu yaka ha itulatula bakeñisa tabo, hanze Ni bona lika ha likonala ku na, na nili muuna wa myaha ya bunca, kono niteni, bunolo bwa ka ha ni Ku bona unzo taha mwa lusika lo; kuba ya pila ni kuyema mo, ni kubona fo Tolombita yani haita lila, “Ya masila, abe ya masila ona cwalo. Ya lukile, asiyale ali a lukile ona cwalo. Ya kenile, aine ali akenile ona cwalo.” O Mulena Mulimu!

<sup>126</sup> Mi ka kunahana luna baba yemi, mwa nako nyana, ka ku kobywa kwa liito, fo lifasi halisike kuziba se si ezahala, kono

hañihañi fela, muka bona zeiponahaza fapila mina, balatiwa ba mina babaile, ba taha ku to kopana ni mina hape. Mi lu ka cinciwa mwa nako nyana, ka kukobya kwa liito; ni ku ngelwa, hamoho, ku katanyeza Mulena luna mwa mbyumbyulu. Mi ni kukopana ni Yena, kuba kwani kamita, mi haluna kuzwa fa Pila Hae hape.

127 Ki taba kwa butuna cwani kacenu, Mulena, ka kuziba kuli lu kopani ka Moya ulimuñwi. Moya ulimuñwi, yena Moya o Kenile, usweli Linzwi mwa lizoho la Hae, litaha ku luna. Mi ha ki nto yetuna ni yeo, ha ki lithonolo ni leo fa kupumeha kuzwa kwa lifasi, ku ikopanya ili luna ku Jesu Kreste. Ni kunahana kuli zazi leliñwi, mwa mufuta wa mubili, ni mubili oswana ni mubili Wa Hae o kanya, lu ka yo ina kwa tafule kwa Mukiti wa Linyalo mi kwateni lu yo kopana ni kunyalwa mwa linyalo ku Yena; kupila sina Munyaliwa ni Munyali mwa linako kaufela ze na ni kutaha, mwahala Kuyakuile ko kusafeli.

128 Mulena Mulimu, shangwe nto ye isike yaba fela muhupulo wa litangu kwa sicaba, kono halibe la niti luli kufitela tala ni linyolwa lelicwalo liba mwa sicaba kuli babe ni. . . ba bale mitende ya bona, banze ba talimile. . . ni kuteeleza kwa silimba ni makande, ni ka kubona kuli ki nako ya kukopana. Lisupo lisweli za bonahala.

129 Mulena Mulimu, sina ha lu bulezi ka za musali, sene ba ka eza mwa mazazi a maungulo; seo keleke neika eza mwa mazazi a maungulo; ni seo Masika a Likeleke na ka ba sona, ni seo Maswayo na kaba sona, lika zeñwi ze kaufela. Mi lwa bona siina mone kuinezi, mwa mazazi a Sodoma ni Lota, fani Lingeloi la Mulimu hane Li itibahalize Ililona mwa nama ya butu, yana cile nama ya komu ni kunwa mabisi a komu, ni kuca sinkwa; ni kuyema fani ni kubulela sene si ezahala kwa mulaho wa Hae. Mi Jesu na bulezi kuli nto yeswana ikanga sibaka ha taha Mwana mutu.

130 Mulena Mulimu, lu boni mundandwe o pahami, cwale luyaha fahalimu fani, ni kubona mo lu ekelelize lika ze kwateni; ni kufumana kuli lu kwa nako ya maungulo, lu libelezi Licwe Lelituna la mwa lilulu. Kanya ibe ku Mulimu! Lwa lapela, Ndate, kuli U zuse sicaba sizuhe, kapili cwale, mi ulu kopanye hamoho, ka lilato la bumulimu ni likute ku Jesu Kreste ni ku mutu ni mutu.

131 Haiba kuna ni babañwi mo busihu bo baba tokwile sepo yani ya kupumula mwahali ku mina, mu nanule mazoho a mina ku Mulimu ni kubulela kuli, “Mulena Mulimu, ni tamahanye hamoho ni Wena, ni tamahanye hamoho ni Wena”? Mulimu aku fuyole, muzwale. Mulimu aku fuyole, ni wena, wena; eeni. “Ni tamahanye hamoho ni Wena, Mulena.” Eeni! Oh, mawi!

Linaha za ikaba, Isilaele wa zuha,

<sup>132</sup> Mutalime fa Isilaele kwabuse bwani, ba kopana hamoho. Isilaele, kuzwa mwa lifasi kaufela, batile ku to kopana hamoho; ku ikopanya ili bona mi cwale seli naha. Seli naha ye kopani: ni ndembela ya bona, masheleñi a bona, mpi ya bona bañi, lika kaufela; haiba bakile baba fateni cwalo, ba cwalo ka nako ya cwale. Isilaele u kopani, Rome u kopani, keleke i kopani. Mi Munyaliwa u kopani, amen; mi kutaha kwa Kutwano Yetuna yetuna. Ki sikamañi seo? Kaufela zona li ya kwa Sisupo sani, ona Sisupo setuna sani, Jesu ni Munyaliwa wa Hae ukopana kuba alimuñwi.

<sup>133</sup> Ndate, Mulimu, lumeleza limbuyoti ze Ni kupela sicaba se, mi lukone ku tamahana ku Wena mwa pilu ni mwa moya, habanze ba nanula mazoho a bona, baba lakaza zani. Mulena Mulimu, lukenise mi ulu eze ba Hao; lumeleza cwalo, Mulena. Kona ze luziba fela ku eza, ni kukupa. Mi hape No bulezi kuli hane lu ka likupa ni ku li limela, lu ka li amuhela; Ni libelezi cwalo, Mulena. Na itumela ku Wena ka Libizo la Jesu Kreste. Amen.

Na Mu lata, Na Mu lata,  
Kakuli U ni latile,  
Ni kuleka puluso yaka  
Fa Kalvari. (Amen. Oh, mawi!)

Amubone, kiyo Munyali wa taha!  
Ni utwa muhuwo wa mwahala busihu!  
Luka zamaya ni muhuwo, haiba kaufela luna  
lu lumelelana,  
Ni ku Mu katanyeza mwa mbyumbyulu.

Mutone mi mulapele, muzwale waka,  
Yomuñwi akasuhana a mi amuhe mushukwe  
wa mina,  
Ku ya enya ni ya kutezi mwa mulaho  
Hana kutina sapalo sa linyalo.

<sup>134</sup> Yeo ki niti. Halu itukiseni ka muhuwo wa mwahala busihu boo. Sitaha mwa hola ye mu sa sepi cwalo. Kukaba ni muhuwo, isiñi mwahala lifasi la baba sa lumeli; ikaba kunutu. Kono balumeli, baba libelezi lika ze: Muka bona linaleli ha litaha mwa mundandwe? Mwabona? Ki sikamañi sene sitahile mwateni? Inge fela mone kuezahalezi ka nako yapili. Mwabona, ki luna ba fa, lisupo za taha.

Lu bona lisupo ze bonahaza Kutaha kwa Hae  
ko ku fuyozwi,  
Amubone, amubone matali a feiga cwale sa  
fetuha butala;  
Evangeli ya Mubuso ihasani mwa naha  
kaufela;  
Mi lu fa kaufi, mafelelezo a bonahala.

Mi ka tabo, kapili, lu ka zibahalisa Liñusa la kubonahala kwa Hae ko ku kanya,

<sup>135</sup> Kana ki niti yeo? Oh, muzibahalise Liñusa la kubonahala kwa Hae ko ku kanya! Sani kona se lu lukela kueza. Mubulelele mutu kaufela, “Amu itukise, muitukiseze kukopana ni Mulimu.” Amen! Na Mu lata. Oh, mo Ni Mulatela. Cwale, halu yemeñi cwale. Halunze lu laezana yomuñwi ni yomuñwi, amu otolole mazoho ni ku lumelisa yomuñwi, ni kubulela kuli:

Kufitela lu kopana! (Muswalane mwa mazoho, cwale.) . . . kufitela lu kopana!  
Kufitela lu kopana kwa mautu a Jesu;  
Kufitela lu . . .

Muhupule, mwakona kuba ni pizo. Mukopano wa luna o tatama ukona kuba kwa mautu a Hae.

Oh, Mulimu abe ni mina kufita lu kopana hape!

<sup>136</sup> Cwale, munahane fela, lusika kopana kale; lusika kopana la Sunda kakusasana, kamba la Bulalu busihu, ku kona kuba kuli . . . taba yapili mwa ziba, kuna ni ya tondahala. Yo wa tondahala, mi kipeto u ile. Oh, ka kunahana kuli muuna hao utondahalile, kamba musala hao kutondohala, mi—mi ni musala John u tondahalile, mi—mi—mi ni kwanu banana ba tondahala. Kaufela li ezahalile (ki sikamañi se si ngile sibaka?), mi cwale mina mu siilwe kwa mulaho!

Oh, ha ki kulila ni ku bokolole fo baba latehile habata bulelelwa mafelelezo a bona,  
Ba lilela macwe ni malundu, (Sina Isilaele, ka kukutela mwa munzi, kwa tempele.)  
Ba lapela kono litapelo za bona ne se li liyehile.  
(Ne ba hanile Liñusa.)

<sup>137</sup> Oh, muzwale, musike mwabe mueza cwalo. Kaufela se mueza, muyeme ka kutiya bakeñisa musebezi! Eeni, sha!

<sup>138</sup> Cwale, kufitela lu kopana, luka eza cwana:

Unge Libizo la Jesu,  
Kuba tebe kwa lipilaelo kaufela;  
Mi miliko ha ukubeya mwahali, (Ueza sikamañi?)  
Bulela Libizo leli kenile lani mwa tapelo.

Libizo Lelinde, O kwa munati!  
Sepo ya lifasi ni tabo ya Lihalimu;  
Libizo Lelinde, O kwa munati!  
Sepo ya lifasi ni tabo ya Lihalimu.

<sup>139</sup> Halu inamiseni lito ho za luna cwale, halunze lu ñuñuna:

Ka Libizo la Jesu lwa kubama,  
Kuwa ka mañwele kwa mautu a Hae,  
Mulena wa malena mwa Lihalimu. . . afiwe  
Mushukwe,  
Musipili wa luna ha u ta fela. (Uka fela, zazi  
leliñwi.)

O Libizo lelinde, Libizo lelinde, O kwa munati!  
Kufitela lu kopana hape, Mulimu abe ni mina.

Sepo ya lifasi ni tabo ya Lihalimu;  
Libizo Lelinde, O kwa munati! Kwa munati!  
Sepo ya lifasi ni tabo ya Lihalimu.



*NAKO YA KUKOPANA NI SISUPO SATENI* LOZ63-0818  
(The Uniting Time And Sign)

Liñusa le ka Muzwale William Marrion Branham ne li kutalizwe lwa pili mwa Sikuwa la Sunda manzibwana, Muyana 18, 1963, ili fa Branham Tabernacle mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwatani ku ya Sikuwa. Toloko ye ya mwa Silozi ne i hatisizwe ni kuhasanyiwa ki ba Voice Of God Recordings.

LOZI

©2018 VGR, ALL RIGHTS RESERVED

**VOICE OF GOD RECORDINGS**  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleñi ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)